

ದಾನಶೂರ ಕಣ್ಡ

ಡಾ. ಎಸ್. ಆರ್. ವಿಘ್ನರಾಜ




ದಾನಶೂರ ಕರ್ಣೆ

ಡಾ. ಎಸ್.ಆರ್. ವಿಘ್ನರಾಜ

ಸಂಶೋಧಕೆ

ಶ್ರೀ ಮಂಜುನಾಥೇಶ್ವರ ಸಂಸ್ಕೃತಿ ಸಂಶೋಧನ ಪ್ರತಿಷ್ಠಾನ
ಧರ್ಮಸ್ಥಳ

೨೦೦೮



ಕರ್ನಾಟಕ ತುಳು ಸಾಹಿತ್ಯ ಅಕಾಡೆಮಿ
ಲಾಲ್‌ಭಾಗ್, ಮಂಗಳೂರು

Daanashoora Karne

by

Dr. S.R. Vighnaraja

Sri Manjunatheshwara Samskrithi Samshodhana Prathistana

Dharmasthala - 574 216

Published by

Karnataka Tulu Sahithya Academy

Lalbagh, Mangalore - 575 003

Tel : 0824 2459389

Pages : 32

© : **Karnataka Tulu Sahithya Academy**

First Published : 2008

ಬೆಲೆ : ರೂ. 25-00

ವಿನ್ಯಾಸ ಮತ್ತು ಮುದ್ರಣ

ಆಕೃತಿ ಕಂಪ್ಯೂಟರ್ಸ್

ಕೆ. ಎಸ್. ರಾವ್ ರಸ್ತೆ, ಮಂಗಳೂರು - 575 001

ದೂರವಾಣಿ : 0824 2443002

ಅಧ್ಯಕ್ಷರ ಪಾತೆರ

'ದಾನಶೂರ ಕರ್ಣ' ಪನ್ನಿ ಪುದರ್ ಕೇನ್‌ನಗ ಮೈ ಇರ್ಮೆನ ಆವುಂಡು. ಯುಗ ಯುಗೋಕ್ಕೆಡ್ ನಡತಿ ಮಾತಾ ಘಟನೆಲೆನ್ ತೂನಗ, ಅಕೇರಿಗ್ ಸತ್ಯೋಗ್ ಜಯ ಇನ್ನಿ ಪಾತೆರ ಖಂಡಿತಾ ಉಂಡುಂದ್ ನಂಬುವಾ. ಆಂಡ 'ಕರ್ಣ'ನ ಬದ್‌ಕಾನ್ ಗೇಣೋಗ್ ದೆತೊನೊಂಡ ಸತ್ಯ, ಧರ್ಮ ಇನ್ನಿನವು ದಾಯೆ ತನ್ನ ಸತ್ಯೋನ್ ಒರಿತೊನುಜಿ, ಧರ್ಮೋನ್ ಕಾತೊನುಜಿ ಪಂಡ್‌ದ್ ತೆರಿಯುಜಿ.

ಮಹಾಭಾರತೊಡ್ ಬರ್ಪಿ 'ಕರ್ಣ' ಇನ್ನಿ ವ್ಯಕ್ತಿ ಮಾತೆರ್‌ಗಾಲಾ ಗೊಬ್ಬುದ ಬೊಂಬೆಯಾದ್ ತೋಜುವೆ. ಗುರು ಹಿರಿಯೆರೆ ಪಾತೆರೊಗ್ ಬಿಲೆ ಕೊರ್ಪುನ ಆಯ ವ್ಯಕ್ತಿತ್ಯೊನ್, ಮಾತೆರ್‌ಲಾ ಗೊಬ್ಬಾದ್ ಇಜ್ಜಾಂಡ, ಆಯ ತಾಕತ್‌ನ್ ಕುಂದಾದ್ ಪಾಂಡವೆರೆಗ್ ಸಾಯ ಮಲ್ತೆರೆ ಶ್ರೀ ಕೃಷ್ಣ ದೇವೆರ್‌ಲಾ ದುಂಬಾಯೆರ್.

ಪೆದ್ದಿ ಅಪ್ಪೆ ಕುಂತಿ, ಆಯನ್ ಸುದೆಟ್ ಬುಡ್ಡ್ ಕೈ ದೆಕ್ಕೊಂಡಲ್. ಪರಶುರಾಮೆ ಕರ್ಣ ತನ್ನಡ ಪುಟ್ಟಿ ಜಾತಿದ ಪುದರ್‌ನ್ ಸುಳ್ಳು ಪಂಡೆಂದ್ ತನ್ನಡ್ಡ್ ಕಲ್ತಿ ವಿದ್ಯೆ, ಲಡಾಯಿದ ಕಲೊಟ್ ಆಯಗ್ ಮದತ್ ಪೋವೊಡುಂದು ಶಾಪ ಕೊರಿಯೆ. ದುರ್ಯೋಧನೆ ಆಯೆ ದೋಸ್ತಿನ್ ಒರೊನಿಯೆರೆ ಅಂಗ

ರಾಜ್ಯೋನ್ ಕೊರಿಯೆ. ದುಂಬುಗ್ ಅನ್ಯಾಯ ಮಲ್ತಿನಾಯಗೆ ಸಾಯ ಕೊರಿಯೆ ಇನ್ನಿ ಅಪವಾದ ಕರ್ಣಗ್ ಬರ್ಪುಂಡು. ಕೃಷ್ಣನ ಕಪಟ ಗೊಬ್ಬುಗ್ ಬಗ್ಗಂದ್, ಕರ್ಣ ಮಗಂದ್ ತೆರಿಯಂದಿ ಕುಂತಿಡ, ಆಯೆ ಏರ್ಂದ್ ತೆರಿಪಾದ್, ಆಯನ ಧೈರ್ಯ ತಾಕತ್ತನ್ ಮಾಜಾವುನ ಬೇಲೆ ಮಲ್ತೆ. ಸಾರಥಿ ಶಲೈ ಲಡಾಯಿದ ಕಲೊಟ್ ಕರ್ಣ ಆಯ ಪಾತೆರ ಕೇಂಡಿಜೆ ಇನ್ನಿ ಸಬೂಬು ಕೊರ್ಪು, ಲಡಾಯಿದ ಕಲೊಡ್ಲೆ ಪೋಯೆ.

ಈತೆನ್ ಮಾತಾ ತನ್ನ ದುಂಬುದು ಪಾತೆರೊ ಸಮೇತ ಎಸಲ್ ಎಸಲಾದ್ ಬುಡ್ಪಾದ್ ಬರೆದ್ ಒಪ್ಪಿಸಾದ್ 'ದಾನಶೂರ ಕರ್ಣ' ಇನ್ನಿ ಕತೆನ್ ಅಕಾಡೆಮಿಗ್ ಕೊರ್ತೆರ್ ಸಂಶೋಧಕೆರಾಯಿನ ಡಾ. ಎಸ್.ಆರ್. ವಿಘ್ನರಾಜೆರ್. ಮಹಾಭಾರತೊದ ಒಂಜಿ ಮರ್ಗಿಲ್ದ ಕತೆನ್ ಪೂರ್ಲುಡ್ ಉಡಲ್ಗ್ ಮುಟ್ಟುಲೆಕೋ ಬರೆತೆರ್. ಮೇರೆಗ್ ಅಕಾಡೆಮಿದ ಸೊಲ್ತೆಲು.

ಈ ಕೃತಿನ ಪೂರ್ಲುಡ್ ಅಚ್ಚಿ ಮಲ್ತ್ ಕೊರಿನ ಆಕೃತಿ ಕಂಪ್ಯೂಟರ್ಸ್ ಮೊಕ್ಲೆಗ್ ಸೊಲ್ತೆಲು.

ಯಮ್.ಕೆ. ಸೀತಾರಾಮ ಕುಲಾಲ್
ಗುರ್ಕಾರ್

ದುಂಬುದ ಪಾತೆರ

ಭಾರತೋ 'ಜಯ' ಪುದರುದ ಇತಿಹಾಸೋ. ಪಾಂಡವರೆ ವಿಜಯದ ಸಂಕೇತ. ಧರ್ಮ, ಅರ್ಥ, ಕಾಮ, ಮೋಕ್ಷ - ಪಣ್ಣೆ ಪುರುಷಾರ್ಥಲೆಗ್ ಸಂಬಂಧ ಪಟ್ಟಿನ ಪರಂಪರೆ. ವೀರ ರಸೋ ಪ್ರಧಾನವಾದ್ ಇತ್ತ್ಂಡಲಾ ಶಾಂತರಸತ್ತ ಸಂದರ್ಭಲ್ ವಿಶೇಷವಾದ್ ಬೈದ್ಂಡ್. 'ಜಯ' ಪದ ಪದಿನೆಣ್ಣೊ ಸಂಖ್ಯೆಲೆನ್ ತೋಜಾವುಂಡ್. ಪದಿನೆಣ್ಣೊ ಪರ್ವೊ, ಪದಿನೆಣ್ಣೊ ದಿನತ್ತ ಭಾರತೋ ಯುದ್ಧೊ, ಭಗವದ್ಗೀತೆ ಪದಿನೆಣ್ಣೊ ಅಧ್ಯಾಯೋ, ಪದಿನೆಣ್ಣೊ ಅಕ್ಷೋಹಿಣಿ ಸೈನ್ಯೋಗಮನಾರ್ಹೊ.

ಮಹಾಭಾರತೋವೊಂಜಿ ಪೂಜ್ಯ ತಮವಾಯಿನ ಗ್ರಂಥೊ. ಕಥೆ ಉಪಾಖ್ಯಾನಲೆನ ಸಾಗರೋ, ಕವಿ ಕುಲಕ್ಕೂ ಸ್ಫೂರ್ತಿದ ಬೀಡು. ಅರಸುಲೆನ ಕ್ಷಾತ್ರ ವೀರ್ಯದ ನೆಲೆ, ದ್ವಿಚೋತ್ತಮರೆ ವೇದಸಾರೊ, ಯೋಗಿಲೆಗ್ ತತ್ತ್ವವಿಚಾರೊ, ಮಂತ್ರಿ ಜನಕ್ಕುಲೆನ ನೀತಿಸಾರೊ, ಭಿನ್ನರುಚಿತ್ತ ಜನಕ್ಕುಲೆಗ್ ವುಂದ್ ಬೇತೆ ಬೇತೆ ರೀತಿಲೆಡ್ ಅತ್ಯಂತ ಪ್ರಿಯವಾಯಿನ ಮಹಾಕಾವ್ಯೊ. ಪ್ರಾಚೀನ ಭಾರತದೊ ಧರ್ಮಕೋಶ. ವ್ಯಕ್ತಿಯೊರಿಯನ ರಚನೆಯಾದಿತ್ತ ಪಕ್ಷಡ್ ಕವಿನ ಮೇಧಾಶಕ್ತಿ, ಕೃತ್ಯ ಶಕ್ತಿಲೆಗ್ ಮಲ್ಲ ಸೊಲೈಲ್. ಭಾರತದೊ ಮೂಲಕಥೆ ಅದ್ಭುತೊ ವಾಯಿನ ರಚನೆ. ಆರಂಭೊ, ವಿಸ್ತಾರೊ, ಅಂತ್ಯಲೆನ ಕಲ್ಪನೆ ವಿಸ್ಮಯಾಕಾರಿ. ವುಂದೆಟ್ ಬರ್ಪುನ ಪಾತ್ರಲು ಸಾವಿರಾರು. ಭೀಷ್ಮೆ, ದ್ರೋಣೆ, ಕರ್ಣೆ, ಶಲ್ಯ, ವಿದುರೆ, ಧರ್ಮರಾಯೆ, ಭೀಮೆ, ಅರ್ಜುನೆ, ನಕುಲ, ಸಹದೇವೆ, ಶ್ರೀಕೃಷ್ಣ, ಕುಂತಿ, ದ್ರೌಪದಿ ಇಂಚ ಗಮನಾರ್ಹ ಪಾತ್ರಲ್. ಇಂಚ ಶ್ರೀ ವೇದವ್ಯಾಸರೆ ಶ್ರೀ ಮಹಾಭಾರತೊ ಭಾರತೀಯ ಸಂಸ್ಕೃತಿ ಧರ್ಮಲೆನ ಮಣಿದರ್ಪಣೊ.

ಕರ್ಣೆ ಸೂರ್ಯನ ಮಗೆ. ಆಂಡ ಸೂತನ ಮಗೆ ಪಂಚೈ ಅವಮಾನ; ತಿರಸ್ಕಾರಲೆಗ್ ಗುರಿಯಾವಡಾಂಡ್. ಕುಂತಿ ಮಗೆ ಕರ್ಣೆ ಪಾಂಡವರೆಟ್ಟು ಕಡಿರುದಾಯೆ. ಆಂಡ ಕೌರವೆನ ಪ್ರಾಣ ಸ್ನೇಹಿತೆಯಾದ್ ಪಾಂಡವರೆ ವಿರುದ್ಧ ಜೀವನೊ ಪೂರ್ತಿ ಬಾಳಡಾಂಡ್. ಶೌರ್ಯಡ್ ಅರ್ಜುನೆಡ್ ಬಲ ಅಧಿಕೊ. ಮಾಂತ ಸಮಯಡಲಾ ಅರ್ಜುನೆಡ್ ಕಡೆಮೆಯಂಚಿನ ಸ್ಥಿತಿ. ಪರಶುರಾಮೆರೆನ ಧನುರ್ವೇದಲು ಗೊತ್ತಿಂತ್ತುಂಡಲಾ ಸಮಯಗ್ ನೆನಪಾವಂದೆ ಗುರು ಶಾಪ ಒದಗುದು ಬೈದ್ಂಡ್. ವುಂದ್ ಕರ್ಣನ ಜನ್ಮ ಸಂಗತಿಲೆನ್ ಕುಂತಿ ಡಂಗಾಯಿನ ಫಲೊ. ಪೂರ್ವಡ್ ಕುಲಹೀನಗ್ ವಿದ್ಯೆ, ಅಂತಸ್ತು, ಗೌರವೊ ಮಾಂತ ಅನಾದರವಾದ್, ಯೋಗ್ಯತೆ ಮಂಕಾದ್ ಪೋಪುಂಡ್ ಪಂಚೈನ ವಿಷಯ ಈ ಸೂರ್ಯತನಯನ ಪಾತ್ರಡ್ ವ್ಯಾಸರ್ ಸುಂದರವಾದ್ ಚಿತ್ರಣ ಮಾಳ್ತರ್. ಕರ್ಣೆ ತನ್ನೊ ಸಾಮರ್ಥಲೆನ್ ಬೆಳಗಾಯೆರೆ ಶತ ಪ್ರಯತ್ನ ಸಾಹಸ ಮಾಳ್ತೆ. ಕರ್ಣೆ ಜೀವನದ ಪರಿಸ್ಥಿತಿಲೆಡ್ ಹೋರಾಟ ಮಾಲ್ತೆ ಅಂಗಾಧಿಪತಿಯಾದ್ ಕೌರವೇಶ್ವರನ ಒಟ್ಟುಗ್ ಏಕಾಸನಡ್ ಕುಳ್ಳುದ್ ಗೌರವಲೆನ್ ಪಡೆದ್ ವಿಜಯಿಯಾಪೆ. ಸ್ವಭಾವನೇ ಉದಾರ. ವಿಧಿ ನಿಯಮಲೆನ್ ನಂಬುದ್ ನಿಷ್ಕ್ರಿಯನಾಪುನೆತ

ಬದಲು ಸಹಜ ಕವಚ-ಕುಂಡಲೆನ್ ದಾನ ಕೊರುದ್ ತ್ಯಾಗ ಶೂರನೆನಿಸಿನ ವೀರಕರ್ಣೆ. ಅನ್ಯಾಯ ಮಾಳ್ತಿ ಅಪ್ಪೆನ ಮಿತ್ತ್ ಕೋಪ ಇಜ್ಜಿ. ಅಳೆಗಾದ್ ತನ್ನೊ ಜೀವನೆ ಕೊರಿಯರ ತಯಾರಾಪೆ. ಕರ್ಣನು ಲೋಕನೆ ತಾತ್ಪರ ಮಾಲ್ತೊಂದಿಪ್ಪುನಗ ಎರ್ಲ್ ತೋವಂದಿಪ್ಪುನಗ ಉಪಕಾರ ಮಾಳ್ತು ರಾಜ್ಯ ಕೊರ್ಲ್, ಗೌರವ ಕೊರ್ಲ್ ಪ್ರಾಣಸ್ವೇಹಿತೆಯಾಯಿನ ದುರ್ಯೋಧನೆ ಹಿತವೊಂಜಿ ಆಯನ ಜೀವನೊ ಧ್ಯೇಯವಾಂಡ್. 'ಜಾತಿಗ್ 'ಸೂ' ಪಾಡಿ; ಗುಣಕ್ಕು ಬಿಲೆ ಕೊರಿ' ಪಂಣೆ ಧ್ಯೇಯೊ.

ವೇಣಿ ಸಂಹಾರ ನಾಟಕದ ಒಂಜಿ ಶ್ಲೋಕಡ್ ಪಾತೆರವೊಂಜಿ ಬರ್ಪುಂಡ್-

ಸುತೋ ವಾ ಸುತ ಪುತ್ರೋವಾ ಯೋ ವಾ ಕೋವಾ ಭವಮ್ಯಾಹಮ್ |

ದೈವಾಯಿತ್ತಂ ಕುಲೆಜನ್ಮ ಮದಾಯತ್ತಂ ತು ಪೌರುಷಮ್ ||

ಯಾನ್ ಸೂತೆನೊ, ಸೂತ ಮಗೇನೋ, ಎರು ಎಂಚ ಬೋಡಾಂಡಲಾ ಪಣಡ್. ವಾ ಕುಲಟ್ಟು ಜನ್ಮ ವಾಪುಂಡ್ ಅವು ದೈವಗ್ ಸೇರಿನ ಅಂಡ ಪೌರುಷ ಆತ್ಮಗ್ ಅಧೀನವಾಯಿನ - ಇಂಚ ಪಂಣೆ ಕರ್ಣೆ.

ಕರ್ಣೆ ಜನ್ಮ ಪಡೆದಂಚಿ ಅನೇಕ ಅಗೌರವಲೆಗ್ ಗುರಿಯಾದ್. ಕರ್ತವ್ಯನ್ ಬುಡಂದೆ ರಣರಂಗಡ್ ವೀರಲೆಕ್ಕೊ ಪ್ರಾಣಕೊರಿನ ಮಹಾತ್ಮೆ. ಅವೆಡುದಾವರ ಮಾಂತ ಕವಿಕ್ಕುಲೆನ ಸಹಾನುಭೂತಿ ವುಂಡ್. ಮಹಾಭಾರತಡ್ ನಿಜವಾದ್ ದುರಂತ ನಾಯಕನ ಸ್ಥಾನ ಕರ್ಣಗ್ ಮೀಸಲು.

ಕರ್ಣನ ಕುರಿತಾದ್ ಸಂಸ್ಕೃತ, ಕನ್ನಡ ಮಹಾಭಾರತೋ, ವಚನಭಾರತೋ ಇಂಚ ಅನೇಕ ಗ್ರಂಥಲೆಡ್ ವಿಷಯ ಸಂಗ್ರಹೊ ಮಾಲ್ತುದ್ ತುಳುಬಾಸೆಡ್ ಈ ಎಲ್ಯ ಬುಕ್ ನ್ ಬರೆಯರ ಪ್ರಯತ್ನೊ ಮಾಲ್ತದೆ. ಈ ಬುಕ್ ಡ್ ಯಾನ್ ಉಪಯೋಗ ಮಾಲ್ತಿನ ಶಬ್ದ ಬುಕ್ಕೊ ವಾಕ್ಯೊಲೆಡ್ ತಪ್ಪಿತ್ತಂಡ ಅಯಿಕ್ ಮಾಪು ನಚ್ಚೊನುವೆ.

ಮಹಾಭಾರತೊದ ಪ್ರಮುಖ ಪಾತ್ರಲೆಡ್ ಕರ್ಣೆಲಾ ಒರಿ. ಅಯೆನ ಬಗ್ಗೆ ಬರೆಪ್ಪಿನ ಒಂಜಿ ಅವಕಾಶೋ ಮಲ್ತು ಕೊರ್ಡ್ ಈ ಬುಕ್ ನ್ ತುಳು ಸಾಹಿತ್ಯ ಅಕಾಡೆಮಿದ ವತಿಡ್ ಪ್ರಕಟ ಮಲ್ತೆರೆ ಕಾರಣಕರ್ತರಾಯಿನ ಅವೆತ್ತ ಅಧ್ಯಕ್ಷೆ ಶ್ರೀ ಯಮ್.ಕೆ. ಸೀತಾರಾಮ್ ಕುಲಾಲ್‌ರೆಗ್‌ಲಾ, ರಿಜಿಸ್ಟ್ರಾರ್ ಶ್ರೀ ಎಸ್.ಎಚ್. ಶಿವರುದ್ರಪ್ಪರೆಗ್‌ಲಾ, ಡಾ. ಗಣನಾಥ್ ಕೆ. ಎಕ್ಕಾರ್‌ಗೆಲಾ ಎನ್ನ ಪ್ರೀತಿದ ಸೊಲ್ತೆಲು. ತುಳು ಲಿಪಿ, ಭಾಷೆ, ಸಾಹಿತ್ಯ, ಸಂಸ್ಕೃತಿಲೆಗ್ ಪ್ರೋತ್ಸಾಹ, ಸಹಕಾರ ಕೊರ್ಪುನ ಎಂಕ್ಲೆ ಶ್ರೀ ಮಂಜುನಾಥೇಶ್ವರ ಸಂಸ್ಕೃತಿ ಸಂಶೋಧನ ಪ್ರತಿಷ್ಠಾನ. ಧರ್ಮಸ್ಥಳ ಅಧ್ಯಕ್ಷೆರಾಯಿನ ಡಾ. ಡಿ. ವಿರೇಂದ್ರ ಹೆಗ್ಡೆರೆಗ್ ಎನ್ನ ಭಕ್ತಿಪೂರ್ವಕ ಸೊಲ್ತೆ ಸಂದಾವೆ. ಎಂಕ್ ಸಹಕಾರ ಕೊರಿನ ಎನ್ನ ಮೆಗ್ಗೆ ಪ್ರೊ. ಎಸ್.ಆರ್. ಅರುಣಕುಮಾರ್ ಯಾನ್ ಋಣಿಯಾದುಳ್ಳೆ. ತುಳು ಸಾಹಿತ್ಯಾಭಿಮಾನಿಲ್ ಈ ಕೃತಿನ ಎಡ್ಡೆ ಮನಸ್ಸೊಡ್ ಎದ್ಕೊನುವೆರ್ ಪಂಡ್‌ದ್ ನಂಬುವೆ.

ಜನವರಿ 1, 2008

ಡಾ. ಎಸ್.ಆರ್. ವಿಘ್ನರಾಜ
ಸಂಶೋಧಕೆ, ಧರ್ಮಸ್ಥಳ

ದಾನಶೂರ ಕರ್ಣ

ಕರ್ಣ - ಪೂರ್ವವೃತ್ತಾಂತೋ

ಯಾದವರೆನ ವಂಶಡು ಶೂರಸೇನೆ ಪಂಣೈ ಪುದರುದ ಪ್ರಸಿದ್ಧೊ ಅರಸು ರಾಜ್ಯವಾಳೊಂದು ಸುಖ ಸಮೃದ್ಧಿಡು ಇತ್ತೆ. ಈ ಅರಸುಲೆಗ್ 'ಪೃಥಾ' ಪುದರ್‌ದ ಪೊರ್ಲುದ ಮಗಳುಲಾ. ವಸುದೇವ ಪುದರುದ ಮಗೆಲಾ ಇತ್ತೆರ್. ಕುಂತಿಭೋಜ ಅರಸು ಶೂರಸೇನೆ ಅರಸುಲೆನ ಸೋದರಮಾಮಿನ ಮಗೆ. ಮುಕ್ಯ ಪೊರ್ಲುದ ಸ್ನೇಹಿತೆರ್. ಕುಂತಿಭೋಜರೆಗ್ ಜೊಕ್ಲ್ ಇದ್ಯಾಂಡ್. ಇಂಚನೆ ಒಂಜಿ ದಿನೊ ಪಾತೆರ್‌ನಗ್ ಶೂರಸೇನೆರ್ ಎಂಕ್ ಜೊಕ್ಲ್ ಆಂಡ ಕಡಿರ್‌ದ ಬಾಲೆನ್ ಕುಂತಿಭೋಜರೆಗ್ ಸಾಂಕರ ಕೊರ್‌ಪ್ಪೆ ಪಂಡ್‌ದ್ ಪಾತೆರ ಕೊರ್‌ತ್ತೆರ್. ಪಂಡಿಪಾತೆರ ತಪ್ಪಂದೆಂಚನೆ ಶೂರಸೇನೆರ್ ಅರೆಗ್ ಪುಟ್ಟಿನ ಕಡಿರುದ ಪೊಣ್ಣಾಬಾಲೆನ್ ಕುಂತಿಭೋಜ ಅರಸುಲೆಗ್ ಸಂತೋಷಡೆ ಕೋರ್ಪೆರ್.

ಕುಂತಿಭೋಜೆ ಭಾರಿ ಸಂತೋಷಡ್ ದಾನದತ್ತೊಂಡ್ ಆ ಪೊಣ್ಣು ಬಾಲೆಗ್ 'ಕುಂತಿ' ಪಣೈ ಪುದರ್ ದೀದ್ ಲೆತ್ತೆರ್. ಪೊರ್ಲುಡ್ ಸಾಂಕುವೆರ್. ಎಡ್ಡೆ ಸಂಸ್ಕಾರನುಲಾ ಕಲ್ಪಾವೆರ್. ದೇವರೆಪೂಜೆ, ಅತಿಥಿ ಸತ್ಕಾರ ಕಾರ್ಯ ಇಂಚ ಅನೇಕೊ ಎಡ್ಡೆ ಗುಣಡ್‌ದಾವರ ಮಾಂತ್ತೆರ್‌ಗುಲಾ ಅಚ್ಚುಮೆಚ್ಚುದ ರಾಜಕುಮಾರಿ ಆದಿತ್ತಲ್.

ದುವಾಸ ಮುನಿಕ್ಕುಲೆನ ಆಗಮನೋ

ಒಂಜಿ ದಿನೊ ರಾಜೆ ಕುಂತಿಭೋಜನ ಆಸ್ಥಾನಗ್ ಭಾರಿ ಮಾಮಲ್ಲ ಋಷಿ ಶಿವನ ಅವತಾರೊ ಪಂಡ್‌ದೆ ಪ್ರಸಿದ್ಧ ರಾಯಿನ ದುವಾಸಮುನಿಕ್ಕುಲು ಬತ್ತೆರ್. ಈ ಋಷಿಕ್ಕುಲೆನ್ ಸಮಾಧಾನ ಮಾಳ್ಪುನವೇ ಭಾರಿ ಮಲ್ಲ ವಿಚಾರ. ದುವಾಸಮುನಿಕ್ಕುಲ್

ಪಂಡೆರ್. 'ಅರಸುಲೆ' ಯಾನ್, ಎನ್ನ ಪರಿವಾರ ಮಾಂತೆರ್ಲಾ ಉಳ್ಳೆರ್. ಎಂಕ್ಲೆಗ್ ಒಂತೆ ಸಮಯ ಈರೆನ ಅರಮನೆಡ್ ವುಪ್ಪೊಡ್ ಪಂಡೆಡ್ ಆಸೆ. ವುಂದೆಕ್ಕ್ ನಿಕ್ಕು ಒಪ್ಪಿಗೆ ವುತ್ತಂಡ ಎಂಕ್ಲೆಗ್ ಸರಿಯಾಯಿನ ವ್ಯವಸ್ಥೆ ಮಾಳ್ವೊಡ್. ವುಂದೆಕ್ಕ್ ಅರಸು ಕುಂತಿಭೋಜೆರ್ ಭಾರಿ ಸಂತೋಷಡ್ ಇಂಚ ಪಂಡೆರ್ - 'ಪೂಜ್ಯೆರೆ, ಎಂಕ್ 'ಕುಂತಿ' ಪುದರ್‌ದ ಮಗಳು ವುಳ್ಳೆಳ್. ಆಳಾಂಡಲಾ ಸುಶೀಲೆಳ್, ಸಾಧ್ವೀ, ಅಪ್ಪತ್ತಂದೆ ವ್ರತ ಉಪವಾಸಲೆನ್ ಶ್ರದ್ಧೆಡ್ ಮಾಳ್ವೆವಳ್. ಆಳೆನೇ ಈರೆನ ಸೇವೆಗ್ ಪಂಣ್ಣಿ. ಈರೆನ ಸೇವೆನ್ ಭಕ್ತಿಡ್ ಮಾಳ್ವೆವಳ್' ಪಂಡೆಡ್ ಆಶ್ವಾಸನೆ ಕೊರಿಯೆರ್. ಅಂಚ ಕುಂತಿ ಅಮ್ಮೆರೆನ ಪಾತೆರ್‌ನ್ ನಡಪ್ಪಾದ್ ಕೊರ್ಪುನ ಸಲುವಾದ್ ಭಕ್ತಿಡ್ ಪೂಜ್ಯಗುರುಕ್ಕುಲೆನ ಶೂಶ್ರುಷೆ ಕಠಿಣ ಪರಿಶ್ರಮಡ್ ಸೇವೆ ಮಾಲ್ತಾದ್ ಅರೆನ ಪ್ರೀತಿಗ್ ಪಾತ್ರಳಾಯಿವಳ್. ಬಾಲೆ, ಕುಂತಿ! 'ನಿನ್ನ ಸೇವೆಗ್ ಮಾಂತೆರ್ಲಾ ಸಂತುಷ್ಟರಾತೆರ್. ಒಂಜಿ ಮಹಾಮಂತ್ರನ್ ಉಪದೇಶ ಮಾಳ್ವೆವೆ. ಈ ಮಂತ್ರಡುದು ನಿಕ್ಕು ಎಡ್ಡೆ ಆಪುಂಡ್. ಈ ಮಂತ್ರಲೆನ್ ಪಠಿಸಾಂಡ ದೇವಲೋಕೊಡುವುಪ್ಪುನ ವಾ ದೇವತೆನಾಲಾ ಲೆತ್ತಾದ್ ಒಂತೆ ಪೂರ್ತ್ ನಿನ್ನ ವಶಟ್ಟು ವುಪ್ಪುವೆರ್. ಅಂಚ ಪಂಡುದ್ ಮಹರ್ಷಿಲು ಆ ಮಹಾಮಂತ್ರಲೆನ್ ಉಪದೇಶ ಮಾಲ್ತಾದ್ ಅರಸು ಕುಂತಿಭೋಜರೆ ಅನುಜ್ಜೆ ಪಡೆಯೊಂದ್ ಪೋಪೆರ್.

ಕರ್ಣ ಜನನೊ

ಒಂಜಿ ದಿನೊ ರಾಜಕುಮಾರಿ ಕುಂತಿ ಮನಸ್ಸುಡ್ ಮಹರ್ಷಿಲ್ ಉಪದೇಶ ಮಾಳ್ತಾದ್ ಕೊರ್ದ ಮಂತ್ರಲೆನ್ ಕುರಿತಾದ್ ಆಸಕ್ತಿ ಬತ್ತುದ್ ವುಂದೆತ್ತ ಸತ್ಯಾ ಸತ್ಯೆದ ಕುತೂಹಲ ಬೈದ್ ಅರಮನೆತ್ತ ಉಪ್ಪರಿಗೆಡ್‌ತ್ತಿನ ಮಂಚದ ಮಿತ್ತ್ ಕುಳ್ಳೊಂದ್ ಉದಯಿಸಾವೊಂದ್ ಮಿತ್ತ್ ಬರ್ಪುನ ದಿವ್ಯ ಕವಚಧಾರಿಯಾಯಿನ ಪೂರ್ಣದ ಕರ್ಣಕುಂಡಲಧರೆಯಾಯಿನ ಸೂರ್ಯದೇವೆರೆನ್ ಏಕದೃಷ್ಟಿಡ್ ತೊವೊಂದ್ ಇಪ್ಪುನಗ ದುರ್ವಾಸ ಮಹರ್ಷಿಲು ಉಪದೇಶ ಮಾಳ್ತಿನ ಸೂರ್ಯಮಂತ್ರದ ನೆನಪು ಬತ್ತಂಡ್. ಶುದ್ಧ ಮನಸ್ಸುಡ್ ಮಹರ್ಷಿಲ್ ಉಪದೇಶ ಮಾಳ್ತಿನ ಸೂರ್ಯಮಂತ್ರಲೆನ್ ಪಿರ ಉಚ್ಚಾರಣೆ ಮಾಳ್ತಾದಾನಗ ಸೂರ್ಯದೇವತೆ ಆಳೆನ ಕೈತಲ್ ಬತ್ತುದ್ ರಾಜಕುಮಾರಿ ಕುಂತಿ - ಎನಡ್ ವಾ ಕಾರ್ಯ ಆವಡ್? ಅವೆನು ನಡಪ್ಪಾದ್ ಕೊರ್ದೆ. ಅವೆಕ್ಕು ಉತ್ತರವಾದ್ ರಾಜಕುಮಾರಿ ಕುಂತಿ ಯಾನ್ ಕುತೂಹಲಗಾದ್ ಮಹಾಮಂತ್ರನ್ ಉಚ್ಚರಣೆ ಮಾಳ್ತ ಈರೆನ ಆಹ್ವಾನ ಮಾಳ್ತೆ. ಕ್ಷಮೆ ಕೊರೊಡ್. ವುಂದೆಕ್ಕ್ ಉತ್ತರವಾದ್ ಸೂರ್ಯ ದೇವತೆ ವುಂದು ಸುಲಭದ ಪಾತೆರ ಅತ್ತ್. ದೇವತೆಲೆನ ದರ್ಶನೊ ಯಾಪಲಾ ವ್ಯರ್ಥ ವಾಪುಜ್ಜಿ. ಇರೆನ ಮನಸ್ಸುಡ್‌ವುಪ್ಪುನ ವಿಚಾರ ಸತ್ಯ ಆಪುಂಡ್. ಕವಚ-ಕುಂಡಲಧಾರಿಯಾಯಿನ ಪ್ರಪಂಚಡೇ ಅಪ್ರತಿಮ ಪರಾಕ್ರಮಿಯಾಯಿನ, ಮಗನ ಜನನೊ ಆಪುಂಡು ಇಂಚ ಅನುಗ್ರಹ ಮಾಳ್ತೆರ್.

ಅಂಚನೆ ಒಂಭೋ ತಿಂಗಳು ಕರಿನಾಗ ಕುಂತಿಗ್ ಭಾರಿ ಪೂರ್ಣದ ಕವಚ-

ಕುಂಡಲಧಾರಿಯಾಯಿನ ಸೂರ್ಯಲೆಕ್ಕೋನೆ ಪ್ರಕಾಶಮಾನದ ಬಾಲೆನ ಜನನ ಆಪುಂಡ್. ಮಾಘ ಶುದ್ಧ ಪ್ರಥಮಡು ಶಿಶುನ ಜನನ ಆಂಡ್. ಬಾಲೆನು ತೂದ್ ರಾಜಕುಮಾರಿಗ್ ಸಂತೋಷ ಆಂಡ್. ಅವೆನೊಟ್ಟುಗ್ ಲೋಕಾಪವಾದದ ಭೀತಿ. ವುಂದೆಕ್ಕ್ ಸಲುವಾದ್ ಬಾಲೆನ್ ಸಾಂಕುನ ಅಸಾಧ್ಯ ಪಂಡುದ್ ಒಂಜಿ ವ್ಯವಸ್ಥಿತವಾಯಿನ ಪೆಟ್ಟಿಗಡ್ ಬಾಲೆನು ಜೆಪ್ಪುಡಾದ್ 'ಅಶ್ವಾ' ಪುದರುದ ಸೂದೆಟ್ತ್ ತೇಲಾದ್ ಬುಡುಪ್ಪಾಳ್.

ರಾಧೇ ಕೈತಲು ಕರ್ಣೆ

'ಅಶ್ವಾ' ಸುದೆಟ್ಟು ತೇಲಾದ್ ಬುಡ್ ಪೆಟ್ಟಿಗೆ ನೀರ್ಡ್ ದುಂಬು ಪೋದ್ ಚರ್ಮಣ್ಣು ಸುದೆ, ಯಮುನಾ ಸುದೆ ಬೊಕ್ಕ ಗಂಗಾ ಸುದೆಟ್ಟು ಸೇರುಂಡ್. ಆ ಪೂರ್ತ್ ಗ್ ಸರಿಯಾದ್ ರಾಜೇ ಧೃತರಾಷ್ಟ್ರನ ಸ್ನೇಹಿತೆ ಸೂತ ಜಾತಿದ ಅಧಿರಥ ಪುದರುದ ಸೂತನ ಬುಡೆದಿ ರಾಧೆನೊಟ್ಟಾಗು ಮೀಯರ ಬತ್ತಿತ್ತೆ. ತೂವೆರಾ ರಾಧೆ ಪೂರ್ಣದ ಪೂಣ್ಣು ಆಂಡ ಒಂಜಿ ಕೊರತೆ ಜೊಕ್ಕು ಆತಿಜ್ಜೆ. ಅವೆಕ್ಕು ಸಲುವಾದ್ ವ್ರತ, ಉಪವಾಸೊ ಮಲ್ತೊಂದಿತ್ತೆರ್. ರಾಧೆ ಗಂಗಾನದಿತ್ತ ಕೈತಲು ಬನ್ನಗ ತೇಲೊಂದ್ ಬರುಪ್ಪುನ ಪೂರ್ಣದ ಪೆಟ್ಟೆ ಆಳೆನ ಕೈತಳು ಬತ್ತಂಡ್. ಅಧಿರಥ ಜಾಗ್ರತೆಡ್ ನೀರ್ಡ್ ಮಿತ್ತ್ ದೀಡ್ ಬಾಕಿಲು ದೆತ್ತೆ. ಆ ಪೆಟ್ಟಿಗೆದೊಳಾಯಿ ಕಿಂಞ ಸೂರ್ಯಾದೇವನಂಚಿತ್ತಿನ ಪ್ರಕಾಶಮಾನವಾಯಿನ ಬಂಗಾರದ ಕವಚೊ, ಕೆಬಿಟ್ತ್ ಕುಂಡಲಧರಿಸಾವೊಂದ್ ಇಪ್ಪುನ ಬಾಲೆನ್ ತೂಪೆರ್. ಮೆಲ್ಲನೆ ಬಾಲೆನ್ ಕೈಯಿಟ್ಟು ಪತ್ತೆದರ್ತ್ ತೂಡೆಟ್ತ್ ಜಪ್ಪುಡಾದ್ ಬುಡೆದಿ ರಾಧೆಡ ಪಂಣೈ. ರಾಧೆ! 'ನಮ್ಮೊ ವತ್ರೋಪಾವಾಸಲೆಗ್ ಯೋಗ್ಯವಾಯಿನ ಫಲವುಂದ್. ದೇವೆರೆ ನಂಕು ಈ ಬಾಲೆನು ಕರುಣಿಸಾದೆ' ಇಂಚ ಪಂಡುದ್ ಆ ಬಾಲೆನ್ ಶಾಸ್ತ್ರೋಕ್ತವಾದ್ ದತ್ತು ದೆತ್ತೊಂಡೆರ್. ಬಂಗಾರದೊ ಕವಚ, ಕುಂಡಲಧರಿಯಾಯಿನ ಆ ಬಾಲೆಗ್ 'ವಸುಷೇಣ' ಪಂಡ್ ನಾಮಕರಣಲೋ ಮಲ್ತೆರ್. 'ವಸು' ಪಂಡ 'ಐಶ್ವರ್ಯ' ಅಂಚನೆ 'ವಸು' ಶುಕ್ಲ ಪಕ್ಷದ ಚಂದ್ರಲೆಕ್ಕೊ ವೃದ್ಧಿಯಾಪೆ.

ದುರ್ಯೋಧನ - ಕರ್ಣ ಸ್ನೇಹ - ವಿದ್ಯಾಭ್ಯಾಸೊ

ವಸುಷೇಣೆ ಮಲ್ಲೆ ಆಯಿಲೆಕ್ಕೋನೆ ಸೂತೆ ಅಧಿರಥ ಹಸ್ತಿನಾವತಿ ಪಟ್ಟಣಗ್ ಬರವು ಕಲ್ಪರ ಕಡಪ್ಪುಡುವೆ. ಅವುಲು ಕರ್ಣನ್ ದ್ರೋಣಾಚಾರ್ಯರೆನ ಕೈತ್ತಲ್ 'ಧನುರ್ವಿದ್ಯಾಭ್ಯಾಸ' ಕಲ್ಪರೆ ಪ್ರಾರಂಭೊ ಮಾಳ್ತುವೆ. ಆ ಸಮಯಡ್ ಧೃತರಾಷ್ಟ್ರ ರಾಜನ ಮಗೆಯಾಯಿನ ದುರ್ಯೋಧನೆ ಕರ್ಣಲಾ ಸ್ನೇಹಿತೆರ್ ಆಪೆರ್. ದ್ರೋಣ ಕೃಪಾಚಾರ್ಯರೆಡ ಧನುರ್ವಿದ್ಯೆ ಅಭ್ಯಾಸ ಮುಗಿಪ್ಪುವೆರ್. ಈ ಸಂದರ್ಭಡ್ ದುರ್ಯೋಧನೆನ ಸ್ನೇಹಡ್ಡಾವರ ಪಾಂಡವರೆಡ ದ್ವೇಷಗ್ ಸಾದಿಯಾಂಡ್. ಪಾಂಡವ ಮಧ್ಯಮೆ ಅರ್ಜುನಡ ಯುದ್ಧ ಮಾಳ್ತುನವೇ ತನ್ನ ಜೀವನದ ಪರಮಗುರಿಯಾಂಡ್. ಇಂಚ ಒರಿಯೊಕ್ಕೊರಿ ದ್ವೇಷ ಸಾಧಿಸಾವೊಂದು ಇತ್ತೆರ್.

ಕರ್ಣನ ನಿಜವಾಯಿನ ಅಮ್ಮ ಸೂರ್ಯ ಪಂಡ್‌ದ್ ತೆರಿಜ್ಜಾಂಡಲಾ ಸೂರ್ಯದೇವರೆನ ಆರಾಧನೆ, ಜಪಲೆನು ನಿತ್ಯಲಾ ನಿಷ್ಠೆಡ್ ಮಲ್ತೊಂದಿತ್ತೆ. ಕಾಂಡೆ, ಮದ್ಯಾಷ್ಟ, ಬೈಯಡ್ ಮೀದ್ ಸೂರ್ಯ ದೇವಾರಾಧನೆ. ಮದ್ಯಾಷ್ಟ ಸಮಯಡ್ ಸುದೆಟ್ಟು ಮೀದ್ ದೇವರೆ ಆರಾಧನೆ ಮಾಳ್ತುನಾಗ್ ಏರೇ ಬತ್ತುದ್ ವಿಷಯ ದಾನೆಲಾ ಆವಡ್ ಕೇಣುಂಡ ಆ ಪೂರ್ತುಗ್ ದಾನ ಕೋರ್ಪುನ ಕ್ರಮ ಕರ್ಣನವು. ದುರ್ಯೋಧನೆ ಸ್ನೇಹಡದಾವರ ಕರ್ಣಗ್ ಪಾಂಡವರೆ ಮಿತ್ತ್ ವಿಶ್ವಾಸ ಇದ್ಯಂದೆ ಆಂಡ್. ಅರ್ಜುನೆ ಧನುರ್ವಿದ್ಯೆಡ್ ಬಾರಿ ಮಲ್ಲ ಬಿಸೆಯಾದಿತ್ತೆ. ಧರ್ಮರಾಜನ ಬುದ್ಧಿ ಬಲೊ, ಭೀಮಸೇನನ ದೇಹಬಲೊ, ನಕುಲಸಹದೇವರೆ ವಿನಯೋ, ಅರ್ಜುನ-ಶ್ರೀಕೃಷ್ಣರೆನ ಸ್ನೇಹೋ ವುಂದೆನು ತೂದ್ ಕರ್ಣ ದುರ್ಯೋಧನನ ರಕ್ಷಣೆಗ್ ಸಲುವಾದ್ ಏಕಾಂತಡ್ ಒಂಜಿ ದಿನ ಆಚಾರ್ಯರಾಯಿನ ದ್ರೋಣಾಚಾರ್ಯರೆನು ಭೇಟಿಯಾದ್-ಪೂಜ್ಯ ಆಚಾರ್ಯರೆ! ಬ್ರಹ್ಮಾಸ್ತ್ರನು ಪ್ರಯೋಗಿಸಾವುನಲಾ ಅವೆನ್ ಪಿರ ಪಡೆಯೊಣ್‌ನ ರಹಸ್ಯನು ತೆರಿಪ್ಪಾವಡ್. ಇರೆನ ಮಗೆ ಅಶ್ವತ್ಥಾಮ-ಶಿಷ್ಯರೆ ನಾಕ್ಲಡ ಭೇದ ಇದ್ಯಂದೆ ಪಣೋಡ್. ಅರ್ಜುನರೆಗ್ ಸರಿ ಸಾಟಿಯಾದ್ ಯುದ್ಧೋ ಮಳ್ಳೊಡ್ ಪಂಡ್‌ದ್ ಎನ್ನ ಬಯಕೆ. ಇಂಚ ಪಂಡನ ಕರ್ಣಗ್ ಆಚಾರ್ಯರ್- “ಪಾಂಡವರೆ ಮಿತ್ತ್ ದುರ್ಯೋಧನನ ದುರ್ಭಾವನೆ ತೆರಿದ್ ಇಂಚ ಪಂಡೆರ್-ವಿಧಿ ಪೂರ್ವಕವಾದ್ ಬ್ರಹ್ಮಚರ್ಯೆ ಪ್ರತಲೆನು ಆಚರಣೆ ಮಾಲ್ತಿನ ಬ್ರಾಣೆ ಅಂಚನೆ ತಪಸ್ವಿಯಾಯಿನ ಕ್ಷತ್ರಿಯಡ ಮಾತ್ರೊ ಈ ಬ್ರಹ್ಮಾಸ್ತ್ರ ಇಪ್ಪೆರ ಯೋಗ್ಯೊ”. ಇಂಚ ಪಂಡುದು ಕರ್ಣನ ಬೇಡಿಕೆನು ನಿರಾಕರಣೆ ಮಾಲ್ತೆರ್.

ಪರಶುರಾಮೆರ ಕೈತಲ್ ಕರ್ಣನ ವಿದ್ಯಾಭ್ಯಾಸೊ

ಆಚಾರ್ಯ ದ್ರೋಣೆರ ಪಾತೆರಗು ಖಿನ್ನನಾದ್ ಅರೆಗು ನಮಸ್ಕಾರ ಮಾಲ್ತುದ್ ಮಹೇಂದ್ರ ಪರ್ವತಡು ತಪಸ್ಸು ಮಲ್ತೊಂದಿತ್ತಿನ ಪರಶುರಾಮೆರ ಕೈತಲ್ ಪೋದ್, ಆಚಾರ್ಯರೆಗ್ ನಮಸ್ಕಾರ ಮಾಳ್ತುದ್ ‘ಯಾನು ಭೃಗು ವಂಶದ ಬ್ರಾಣೆ’ ಎನನ್ ಶಿಷ್ಯೆಯಾದ್ ಸ್ವೀಕಾರ ಮಳ್ಳೊಡ್. ಪರಶುರಾಮೆರ್ ಕರ್ಣನ ಗೋತ್ರಾದಿ ವಿವರಲೆನು ತೆರಿಯೊಂದ್ ಶಿಷ್ಯೆಯಾದ್ ಸ್ವೀಕಾರ ಮಲ್ತೆರ್. ಆಚಾರ್ಯರ್ ಶಿಷ್ಯನು ಭಾರಿ ಪ್ರೀತಿಡು ತೂವೊಂದ್ ಧನುರ್ವಿದ್ಯೆಲೆನು ಮಾಂತ ಪಂಡುದು ಕೊರಿಯೆರ್. ಆಶ್ರಮಗು ಬರ್ಪುನ ಮಾಂತೆರ್ಲಾ ಕರ್ಣಗ್ ಎಡ್ಡೆ ಗೌರವಲಾ ಕೊರಿಯೆರ್.

ಒಂಜಿ ದಿನೊ ಕಡಲುಡ ತೀರಡು ವುಪ್ಪಿನ ಆಶ್ರಮಡ್ ಕರ್ಣೆ ಖಿಡ್ಲೊ ಧನುರ್ಧಾರಿಯಾದ್ ಇಪ್ಪುನಗ ದೂರದ ಪುದೆತ್ತ ಅಡ್ಲೊ ಪ್ರಾಣಿಯೊಂಚ್ಚೆನ್ ತೂದ್ ಬಾಣಪ್ರಯೋಗ ಮಲ್ಲ ಅವೆನ್ ಕೆರುದ್ ಪಾಡುಪೆ. ಮುಟ್ಟು ಪೋದ್ ತೂನಗ ಅವು ಕಾಡು ಪ್ರಾಣಿಯಾದ್ ಇದ್ದಂದೆ, ಒರಿ ಬ್ರಾಣನ ಹೋಮದ ಪೆತ್ತ ಆದಿತ್ತುಂಡ್. ತೆರಿಯಂದೆ ಮಾಲ್ತಿನ ತಪ್ಪುಗ್ ಬೇಜಾರ ಮಾಳ್ತುದ್ ಕರ್ಣೆ ಆ ಬ್ರಾಣನ ಕೈತಾಲು ಪೋದ್ ಸತ್ಯಸಂಗತಿಲೆನು

ತೆರಿಪ್ಪಾದ್ ಇಂಚ ಕ್ಷಮೆ ನಟ್ಟೊಂಡೆ. “ಪೂಜ್ಯರೇ! ಯಾನ್ ಬುದ್ಧಿಪೂರ್ವಕವಾದ್ ಈ ಪೆತ್ತನು ಕೆರುತ್ತಿಜ್ಜಿ. ಬೇತೆ ಕಾಡು ಮೈಗೊ ಪಂಡುದ್ ಬಾಣ ಪ್ರಯೋಗ ಮಾಲ್ತುದ್ ಕೆರ್ತೆ. ದಯಮಾಲ್ತ ಎನ್ನ ಅಪರಾಧಗ್ ಕ್ಷಮೆ ಕೊರೊಡ್ ಪಂಡಾದ್ ನಟ್ಟೊಂಡೆ. ಆಂಡ ಆ ಬ್ರಾಣೆ ಕೋಪೊಡು ‘ಕರ್ಣ! ವಿವೇಕ ಇದ್ಯಂದೆ ಎಂಚಿನ ಕೆಲಸ ಮಾಲ್ತೆ ಪಂಣೈನ ಅರಿವು ನಿಕ್ಕು ವುಂಡಾ? ಆ ಹೋಮದ ಪೆತ್ತ ಎನ್ನ ದಿನ ನಿತ್ಯದ ಅಗ್ನಿ ಕಾರ್ಯಗ್, ಧರ್ಮಕಾರ್ಯಗ್ ಆಧಾರವಾದ್ ಇತ್ತುಂಡ್. ಅವು ದಿನನಿತ್ಯೊ ಕೊರ್ಪುನ ಪೇರು. ಕೊಜಪ್ಪು, ಅಂಬಿ, ಗಂಜಲು (ಪಂಚಗವ್ಯೊ) ಎನ್ನ ಈ ಆಶ್ರಮನು ಸಂಪನ್ನಮಾಳ್ತು ಮಾಂತೆರ್ಲೆನಾ ಸಂತೋಷ ಮಾಳ್ತೆದಿಂಡ್. ಅಂಚನೆ ಆಶ್ರಮೊದ ಕೈತಲ್ದ ಚಾಗ ಪವಿತ್ರವಾಯಿನವು. ಇಂಚಿನ ಜಾಗೆಡು ಪ್ರಾಣಿಲೆನ್ ಬೇಟೆ ಮಾಳ್ಬರೆ ಬಲ್ಲಿ ಪಂಣೈನ ವಿವೇಕ ಬೋಡಿತ್ತಿಂಡ್. ಘೋರವಾಯಿನ ಮಲ್ಲ ಪಾಪ ಕೃತ್ಯ ಮಾಲ್ತಿನ ನಿಕ್ಕು ಸರಿಯಾಯಿನ ಶಿಕ್ಷೆ ಮರಣ ದಂಡನೆ ಸರಿ. “ಈ ಎರೊಟ್ಟುಗಾ ಏಪಲಾ ಸ್ಪರ್ಡೆಟ್ ಇಪ್ಪುವನಾ, ಎರೆನ್ ಕೆರಿಯರ ಪಗೆಲು ರಾತ್ರೆ ಪ್ರಯತ್ನಡು ವುಪ್ಪುವನೋ, ಅಯನೊಟ್ಟುಗ್ ಯುದ್ಧ ಮಾಳ್ತುನಾಗ ನಿನ್ನ ರಥತ್ತ ಚಕ್ರ ಭೂಮಿಡ್ ತಾರುದ್ ಎಂಚ ವಿವೇಚನೆ ಇದ್ಯಂದೆ ಎನ್ನ ಈ ಪೆತ್ತನು ಕೆರಿಯನೋ ಅಂಚನೆ ನಿಕ್ಕು ದಾನೆ ಮಾಳ್ತುನ ಪಂಡುದ್ ಆಕ್ಷಣ ತೆರಿಯಂದೆ ಇಪ್ಪುನಾಗ ನಿನ್ನ ಶತ್ರು ನಿನನು ಕೆರ್ಪೆ” ಇಂಚ ಪಂಡುದ್ ಒಂಜಿ ಘಳಿಗಲಾ ವುಂತ್ತಂದೆ ಮುಳ್ತು ಪೊ. ಇಂಚ ಬ್ರಾಣೆ ಶಾಪ ಕೊರ್ಪು ಪೊಯೆರ್. ವುಂದೆನ್ ಕೆಂಡಿನ ಕರ್ಣೆ ಬೇಚಾರಡು ಆಚಾರ್ಯ ಪರಶುರಾಮರೆನ ಕೈತಲು ಪೋಯೆ.

ಕರ್ಣಗ್ ಪರಶುರಾಮರೆನ ಶಾಪೋ

ಆಚಾರ್ಯ ಪರಶುರಾಮರ್ ಕರ್ಣನ ಗುರು ಭಕ್ತಿ. ಗುರು ಶುಶ್ರೂಷೆ. ವಿದ್ಯೆ ಕಲ್ಪನೆಟ್ ಆಯೆಗು ಇತ್ತಿನ ಶ್ರದ್ಧೆ, ಆಸಕ್ತಿ ವುಂದೆನು ಮಾಂತ ತೂದ್ ಭಾರಿ ಸಂತೋಷ ಆಪುಂಡ್. ತಪಸ್ವಿ ಪರಶುರಾಮರ್ ಕರ್ಣನ ಸೇವೆಗ್ ಮೆಚ್ಚುಡ್ ಸಂಪೂರ್ಣ ರಹಸ್ಯ ಸಹಿತವಾಯಿನ ಬ್ರಹ್ಮಸ್ತ್ರ ವಿದ್ಯೆನು ಉಪದೇಶ ಮಾಲ್ತೆರ್. ಅವೆನು ನಿಷ್ಕೆಡ್ ಅಭ್ಯಾಸ ಮಾಲ್ತು ಪರಶುರಾಮರೆನ ಆಶ್ರಮಡ್ ಒಂತೆ ದಿನ ಸೇವೆ ಮಾತೊಂದ್ ಇಪ್ಪುವೆ.

ಒಂಜಿ ದಿನೊ ಆಶ್ರಮಡ್ ಪರಶುರಾಮರ್ ಪ್ರಿಯ ಶಿಷ್ಯೆ ಕರ್ಣನ ಒಟ್ಟುಗು ತಿರುಗೊಂದು ವುಪ್ಪುನಗ ಉಪವಾಸ, ವ್ರತ, ಅನುಷ್ಠಾನ ವುಂದೆಡ್‌ದಾವರ ಆಯಾಸವಾದ್ ಆ ಗುರುಶಿಷ್ಯೆಕರ್ಣನ ಮಿತ್ತ್ ವಿಶ್ವಾಸದೀದ್ ಆಯನ ತುಡೆತ್ತ ಮಿತ್ತ್ ತರೆದೀದ್ ನಿದ್ರೆ ಮಾಳ್ತೆರ್. ಅವೆ ಸಮಯಗ್ ಸರಿಯಾದ್ ಮಾಂಸೊ, ನೆತ್ತೆರ್, ಆಹಾರವಾದ್ ದೆತ್ತು ಉಣ್ಣುನ ಕ್ರಿಮಿಯೊಂಜಿ ಕರ್ಣನ ಕೈತಲು ಬೈದ್, ಕರ್ಣನ ತುಡೆನ್ ರಂಧ್ರ ಮಾಲ್ಪರ ಸುರು ಮಾಲ್ತುಂಡ್. ಪರಶುರಾಮರ್ ಕರ್ಣನ ತುಡೆತ್ತ ಮಿತ್ತ್ ಚರ್ತಿ ನೆಡುದಾವರ ಕರ್ಣಗ್ ಆ ಕ್ರಿಮಿನು ಪತ್ತುದು ಡಕ್ಕುರಾವಡು; ಇಜ್ಜಿಂಡ ಕೆರಿಯರಾವಡಾ ಸಾಧ್ಯ ಆಪುಜ್ಜಿ. ಗುರುಕ್ಕಲೆಗ್

ನಿದ್ರಾ ಭಂಗವಾಪುಂಡು ಪಂಡುದ್ ಭಯ ಆಂಡ್ ಕ್ರಿಮಿ ಕರ್ಣ ತುಡೆನು ಬುಕ್ಕೊಲ ಕೊರೆಯೊಂದ್ ಪೊಂಡ್. ಆಯಗ್ ಸಹಿಸರೆ ತೀರಂದಿನಾತ್ ಬೇನೆ ಆಂಡಲಾ ಅವೆನು ದೈರ್ಯಡ್ ಸಹಿಸೊಂದ್ ತುಡೆನು ಒಂತೆಲಾ ಅಲುಗಾವಂದೆ ಸ್ಥಿರವಾದ್ ಅಂಚನೆ ಇತ್ತೆ. ಕರ್ಣನ ತೊಡೆಟ್ಟು ಮಲ್ಲ ರಂಧ್ರವಾದ್ ಅವೆಡುದ್ ನೆತ್ತರು ಧಾರೆಯಾದ್ ಪಿದಾಯಿ ಬೈದಿಂಡ್. ನೆತ್ತರು ಮಾಂತಾ ಕೊಡಿಟ್ಟುಲಾ ನೆನೆದು ಪರಶುರಾಮರೆನು ಮುಟ್ಟುಂಡ್. ನೆತ್ತರ್ ಸ್ಪರ್ಶವಾಯಿನ ಲೆಕ್ಕೊನೆ ಪರಶುರಾಮರೆಗ್ ಎಚ್ಚರವಾದ್-ಉದ್ವಿಗ್ನರಾದ್ ಪಂಡೆರ್-ಅಯ್ಯೊ ಕರ್ಣ! ನೆತ್ತರ್ ಸ್ಪರ್ಶಡ್ಲಾವರೆ ಯಾನ್ ಅಶುಚಿಯಾತೆ ಮುಲ್ವ ದಾಯಿದ ಆಪುಂಡು? ಈ ದಾಯಿದ ಮಾಳ್? ಪೊಡಿಯಡ ಸತ್ಯಪಣು” ಉತ್ತರವಾದ್ ಕರ್ಣ-ಈ ಕ್ರಿಮಿ ಎನ್ನ ತುಡೆನು ಕುರೆದು ಮಾಂಸೊ ತಿನ್ನುನ ಸಂಗತಿನೊಲಾ ಪಂಡೆ. ಪರಶುರಾಮರ್ ಕ್ರಿಮಿ ಕೊರೆದು ರಂಧ್ರ ಮಾಳ್ತುದು. ತುಚ್ಚುದ್ ತಿನ್ನುನ ಕರ್ಣನ ತುಡೆನು ಪಂಜಿದಲೆಕ್ಕೊ ವುಪ್ಪಿನ ಕ್ರಿಮಿನಲಾ ತೂಯೆರ್. ಆ ಕ್ರಿಮಿ ಎಂಣ್ಣ ಕಾರು, ಚೂಪಾಯಿನ ಕೋರೆಕೂಲಿ, ಸೂಜಿದ ಲೆಕ್ಕೊಂದಿನ ಕೂಜಲು ಇತ್ತಂಡ್. ‘ಅಲರ್ಕ’ ಪುದರುದ ಆ ಕ್ರಿಮಿ ಕರ್ಣನ ನೆತ್ತರುಡು ಒಂಜಾದ್ ಇತ್ತುಂಡ್. ಪರಶುರಾಮರ ಕಣ್ಣ ದೃಷ್ಟಿ ಅವೆತ್ತ ಮಿತ್ತು ಬೂರಿ ಲೆಕ್ಕೊನೆ ಆ ಕ್ರಿಮಿ ಪ್ರಾಣ ತೆತ್ತೊಂಡು. ಆ ಕ್ಷಣಟ್ಟು ಬೇತೆಬೇತೆ ರೂಪೊಲೆಡ್ ಸಾಮಾನ್ಯ ಪಡೆಯಿನ ಭಯಂಕರ ರೂಪನು ಧರಿತಾದ್ ಕೆಂಪು ಬಣ್ಣದ ರೆಕ್ಕೆಲು, ಕಪ್ಪು ಶರೀರ ಪಡೆಯಿನ, ಮೋಡದ ಮಿತ್ತ್ ಕುಳ್ಳೊಂದಿತ್ತಿ ರಾಕ್ಷಸೆ ಇಂಚ ಪಾತೆರುಪೆ. ಭಗವಾನ್! ದೇವ ಪರಶುರಾಮರೇ ಯಾನ್ ಒಲ್ತ್ ಬೈದನೋ, ಅಡೆಗ್ ಪಿರಪೋಪೆ. ಮುನಿ ಶ್ರೇಷ್ಠರಾಯಿನ ಈರು ಕ್ರಿಮಿ ಶರೀರೊ ಪಂಣ್ಣೆ ನರಕಡುದ್ ಎನ್ನನು ಉದ್ಧರಿಸಾಲೆ. ಎನ್ನನು ಈರು ತೂಯಿನೆಡುದಾವರ ಎನ್ನ ಪಾಪ ಮಾಂತಲಾ ದೆಕ್ಕುದು ಪೊಂಡು. ಈರೆಗ್ ಯಾನ್ ಭಕ್ತಿಡ್ ನಮಸ್ಕಾರ ಮಾಳ್ಳೆ. ಎಂಕ್ ಪೊಯೆರ ಅಪ್ಪಣೆ ಕೊರೆ. ಆಪೊರ್ತುಗು ಪರಶುರಾಮರ್ ಇಂಚ ಕೆಂಡೆರ್. ಈ ಏರು? ವಾ ಕಾರಣಗಾದ್ ಈ ಕ್ರಿಮಿತ್ತ ಶರೀರನು ಪಡೆಯೊಂಡಾ?” ವಂದೆಕ್ಕು ರಾಕ್ಷಸೆ ಇಂಚ ಪಂಣ್ಣೆ ಯಾನು ಸತ್ಯ ಯುಗೊಟ್ಟು ‘ವಂಶ’ ಪುದರುದ ಅಸುರೆಯಾದಿತ್ತೆ. ಭೃಗು ಮುನಿಲಾ ಯಾನುಲಾ ಒಂಜೆ ಪ್ರಾಯದಾಕ್ಲ ಒಂಜಿ ದಿನೊ ಭೃಗು ಮುನಿಲೆನ ಪ್ರೀತಿದ ಬುಡೆದಿನು ಬಲತ್ಕಾರವಾದು ಕಂಡ್‌ದ್ ಕೊಂಡು ಬತ್ತೆ. ವಂದೆತ್ತ ಕೋಪೊಡ್ ಭೃಗು ಮುನಿ - ಗಂಜಲು, ಕಫಲೆನು ತಿಂದು ಜೀವಿಸಾವುನ ಕ್ರಿಮಿಯಾದ್ ನರಕೊಡು ಬುರ್ಲಾ- ಇಂಚ ಶಾಪ ಕೊರಿಯೆರ್. ಈ ಶಾಪದ ಪಶ್ಚಾತ್ತಾಪಡು ಭೃಗು ಮುನಿಲೆಡ ಪರಿ ಪರಿಯಾದ್ ನಟ್ಟೊಂಡೆ - ಭಗವಾನ್! ಈ ಶಾಪದ ಅಂತ್ಯನು ಅನುಗ್ರಹ ಮಾಣ್ಪಲೆ”.

ಮುನಿಲ್ ಪಂಡೆರ್ - “ನಾಣ ದುಂಬುಗ್ ಎನ್ನ ವಂಶಡು ಪುಟ್ಟುನ ಭಾರ್ಗವರಾಮಡ ನಿನ್ನ ಶಾಪ ವಿಮೋಚನೆ ಆಪುಂಡು”. ಆ ಸಮಯಗು ಏನು ಕಾತೊಂದಿತ್ತೆ. ಮಹಾ ಮಹಿಮೆಯಾಯಿನ ಈ ಸಮಾಗಮದ ಫಲಡ್‌ದಾವರೆ ಯಾನು ಈ ಪಾಪ ಜನ್ಮಡ್‌ದ್ ವಿಮುಕ್ತಿ ಪಡೆತ್ತೆ”. ಇಂಚ ಪರಶುರಾಮರೆ ಅಪ್ಪಣೆ ಪಡೆಯೊಂದ್ ಅಸುರೆ ಪೋಪೆ.

ತದನಂತರೂ ಪರಶುರಾಮೆರ್ ಕೋಪಡ್ ಕರ್ಣನ್ ತೂದ್ ಪಂಡೆರ್. 'ಸತ್ಯ ಪಣು' ಕ್ರಿಮಿ ತುಡೆನ್ ತುಚ್ಚುದು ತಿಂದೊಂದ್ ಪುನಗಲಾ ಈ ಮನಿಪ್ಪಂದದೆ ಇತ್ತ. ಈ ವಿಧವಾಯಿನ ಬೆನೆನ್ ತಡೆಯೊಂದ್ ಕುಳ್ಳುನ ಸಾಮಾರ್ಥ್ಯ ಬ್ರಾಣೆಯಾದ್ ಪುಟ್ಟುನಾಯಗ್ ಅಸಾಧ್ಯ. ಇತ್ತೆಯಾಂಡಲಾ ಸತ್ಯದ ಪಾತೆರೋ ಪಂಣ್ಣಾ. ಕರ್ಣೆ ಗುರು ಪರಶುರಾಮೆರೆನ ಶಾಪಗ್ ಪೊಡಿತ್ತುದ್ ಅರೆಗ್ ಸಾಷ್ಟಾಂಗ ಅಡ್ಡ ಬೂರುದ್ ಇಂಚ ಪಂಣ್ಣೆ. ಭಗವಾನ್! ಯಾನಾಂಡಲಾ ಸೂತ ಕುಲಟ್ಟು ಪುಟ್ಟುನಾಯೆ. ಎನನ್ ರಾಧೇಯ ಕರ್ಣ ಪಂಡೆದ್ ಲೆಪ್ಪುವೆರ್. ಈರೆಡ್ ಬ್ರಹ್ಮಾಸ್ತ್ರ ಪಡೆಯೊಡ್ ಪಂಣ್ಣೆ ಲೋಭಡ್ ಈ ಬ್ರಾಣನ ವೇಷ ಧರಿಸಾವೊಂದ್ ಬೈದೆ. ವಿದ್ಯೆ ಉಪದೇಶೋ ಕೊರ್ಪುನ ಗುರು ಅಮ್ಮೆರೆಗ್ ಸಮಾನೊ. ಅವೆಡುದಾವರ ಇರೆನೆ ಅಂಮೆ ಪಂಡೆದ್ ತೆರಿಯೊಂದ್ ಭಾರ್ಗವ ಗೋತ್ರದಾಯೆ ಪಂಡೆದ್ ಸುಳ್ಳು ಪಂಡೆನೆ". ಇಂಚ ಪಂಡೆದ್ ಕರ್ಣೆ ದೀರ್ಘ ನಮಸ್ಕಾರ ಮಾಳ್ತುವೆ. ಶಾಪದ ಭಯಟ್ಟು ಕರ್ಣೆ ದಿಗಿಲೆ ಇದ್ಯಂದಿಲೆಕ್ಕೊ ಆಂಡ್. ಈ ಪೂರ್ತೆಗ್ ಪರಶುರಾಮೆರ್ ಕೋಪಡ್ ಕರ್ಣನ ತೋದ್ 'ಕರ್ಣ! ಬ್ರಹ್ಮಾಸ್ತ್ರನ್ ಪಡೆಯೆರೆ ಸಲುವಾದ್ ಎನ್ನಡ ಸುಳ್ಳು ಪಂಡೆದ್ ನಿಕ್ಕು ಸಮಾನರಾಯಿನ ಕುಲೊಟ್ಟುಗ್ ಯುದ್ಧ ಮಾಳ್ತೊಂದ್ ಇಪ್ಪುನಗ ನಿಕ್ಕು ಪ್ರಾಣಾಪಾಯೊ ಸನ್ನಿಹಿತವಾನಗ ಈ ಬ್ರಹ್ಮಾಸ್ತ್ರ ಸ್ಮರಣೆಗ್ ಬರುಪ್ಪುಜ್ಜಿ. ಈ ಯುದ್ಧ ಮಾಣ್ಣಂದೆ ವುಪ್ಪುನಾಗ ಈ ಬ್ರಹ್ಮಾಸ್ತ್ರ ನೆನಪ್ಪುಂಡೆ ಇಪ್ಪುಂಡ್. ಬ್ರಾಣೆ ಅತ್ತಾಯಿನಕ್ಕುಲೆಡ್ ಬ್ರಹ್ಮಾಸ್ತ್ರ ಸ್ಥಿರವಾದ್ ಒರಿಪ್ಪುಜ್ಜಿ. ಈ ಕ್ಷಣಡ್ ಪಿದಾಡ್ ಸುಳ್ಳು ಪಣ್ಣಿನಾಕ್ಕೆಗ್ ಮೂಲು ಸ್ಥಾನ ಇಜ್ಜಿ. ಆಂಡ ಈ ಮಾಲ್ತಿನ ಗುರು ಶುಶ್ರೂಷೆ ವ್ಯರ್ಥವಾಪುಜ್ಜಿ. ಯುದ್ಧರಂಗೊಟ್ಟು ನಿಕ್ಕು ಸಮಾನವಾದ್ ಯುದ್ಧ ಮಾಲ್ಪುನ್ ಕ್ಷತ್ರಿಯೆ ಈ ಪ್ರಪಂಚಡ್ ಪುಟ್ಟುಜ್ಜಿ". ಕರ್ಣೆ ವುಂದೆನ್ ಕೆಂಡೆದ್ ಗುರು ಪರಶುರಾಮೆರೆಗ್ ನಮಸ್ಕಾರ ಮಾಳ್ತುದ್ ಪೊಯೆ.

ಕಳಿಂಗ ರಾಜಕುಮಾರಿ - ಸ್ವಯಂವರೊ

ಕರ್ಣೆ ಹಸ್ತಿನಾವತಿಗೆ ಪಿರ ಬತ್ತುದ್ ಧುರ್ಯೋಧನರೆನ್ ಸೇರೊಂಬೆ. ಇಂಚಪ್ಪುನಗ ಕಳಿಂಗದೇಶದ ರಾಜಕುಮಾರಿ ಸ್ವಯಂವರದ ಸಮಾಚಾರೊ ತೆರಿದು ಧುರ್ಯೋಧನೆ ಕರ್ಣನ್ ಲೆತ್ತೊಂದು ಸ್ವಯಂವರಕ್ಕು ಪೊಪೆ. ಸ್ವಯಂವರದ ಜಾಗೆಡ್ ಬೇತೆಬೇತೆ ದೇಶದ ರಾಜೆರ್ ಆಗಮಿಸಿದೆರ್. ಕಳಿಂಗ ರಾಜಕುಮಾರಿ ಸ್ವಯಂವರತ್ತ ಮಾಲೆನ್ ಪತ್ತೊಂದ್ ಮದ್ದೆದ ಮಂಟೊಪೊದ ಕೈತಾಳ್ ಬರೊಂದಿತ್ತಿ ಲೆಕ್ಕೊನೆ, ರಾಜ ಸೇವಕೆರ್ ಆಯಾ ರಾಜರೆ ಕುಲಗೋತ್ರಲೆನ್ ಪಂಣ್ಣೆರ್. ರಾಜಕುಮಾರಿ ರಾಜರೆನ್ ತೂವೊಂದ್ ದುಂಬುದುಂಬು ಪೋಪಳ್. ಅಂಚನೆ ದುರ್ಯೋಧನನುಲಾ ಬುಡುದ್ ದುಂಬ್ ಪೋಪಳು. ವುಂದ್ ದುರ್ಯೋಧನಗು ಸಮಾಧಾನವಾಪುಜ್ಜಿ. ಈ ಸಂದರ್ಭಡು ದುರ್ಯೋಧನೆ ಆ ರಾಜಕುಮಾರಿನ್ ಅಡ್ಡಗಟ್ಟುದ್ ಆಳೆನ್ ದೇರ್ತುದ್ ತನ್ನೊ ರಥಟ್ಟು ಕುಳ್ಳಾವೊಂದು ಪೋಪೆ. ದುರ್ಯೋಧನನ ಈ ಧಾಷ್ಠ್ಯನು ತೂದು ಬಾಕಿ ಒರಿನ ರಾಜೆರ್ ಸುತ್ತು ವುಂತುದ್ ಯುದ್ಧ ಮಾಳ್ತೆರ್.

ಈ ಪೂರ್ತ್‌ಗ್ ಕರ್ಣೆ ದುರ್ಯೋಧನನ ಬೆಂಗಾವಲುಡು ಮಾಂತ ರಾಜರೆನುಲಾ ತಡೆದು
ವಂತಾಯೆ. ಒಂಜೆ ಲೆಕ್ಕೊ ಬಾಣ ಪ್ರಯೋಗ ಮಾಳ್ತುದ್ ಮಾಂತಾ ರಾಜರೆನುಲಾ ಗಡಿಪಾರು
ಮಾಳ್ತೆ. ದುರ್ಯೋಧನೆ ಹಸ್ತಿ ನಾವತಿಗ್ ಪೋದ್ ಕಳಿಂಗ ರಾಜಕುಮಾರಿನು ಶಾಸ್ತ್ರೋಕ್ತ
ಕ್ರಮಟ್ಟು ವಿವಾಹ ಮಾಲ್ತೊಂಪೆ.

ಕರ್ಣ-ಅಂಗದೇಶದ ಅರಸು - ಪಟ್ಟಾಭಿಷೇಕೊ

ಕರ್ಣನ ಪರಾಕ್ರಮದ ಕೀರ್ತಿ ನಾಲು ದಿಕ್ಕುಗುಲಾ ಪಸರಿಸಾವುಂಡ್. ಮಗಧ ದೇಶದ
ರಾಜೆ ಜರಾಸಂಧೆ ಕರ್ಣನ್ ಯುದ್ಧೋಗಾದ್ ಆಹ್ವಾನ ಮಾಳ್ತೆ. ಘೋರ ಯುದ್ಧೋ
ನಡತ್ತುಂಡ್. ಬಿಲ್ಲು, ಗದೆ, ಕತ್ತಿಲೆಡ್ ಯುದ್ಧ ಮಾಳ್ತೆರ್. ಅವುಲಾ ಮುಗಿನೆಡುದು ಬೊಕ್ಕ
ಬಾಹುಯುದ್ಧೋ ನಡಪ್ಪುಂಡ್. ಕರ್ಣೆ ಬಾಹು ಕಂಟಕ ಪುದರುದ ಸಂಧಿ ಸಂಧಿಲೆಗು
ನೋಪ್‌ನಾಗ ಜರಾಸಂಧೆ ಯುದ್ಧನು ವಂತಾಯೆ. ಕರ್ಣಡ ಸ್ನೇಹ ಮಾಲ್ಪುವೆ - ದುರ್ಯೋಧನೆ
ಅಂಗ ದೇಶೊಡುಪ್ಪಿನ 'ಮಾಲಿನೀ' ನಗರ ಬಹುಮಾನ ರೀತಿಡ್ ಕೊರಿಯೆ. ಅಲ್ತ ರಾಜೆಲಾ
ಆತ್ ರಾಜ್ಯಭಾರ ಮಾಳ್ತುವೆ.

ಕನಕ್ಟ-ಸೂರ್ಯ ಕರ್ಣರೆ ಸಂಭಾಷಣೆ

ಪಾಂಡವರೆ ಕೌರವರೊಟ್ಟುಗ್ ಮೋಸದ ಜೂಜುಡ್ ಸೋತು ಪದಿರಾಡ್ ವರುಷ
ವನವಾಸೋ, ಒಂಜಿ ವರುಷ ಅಜ್ಞಾತವಾಸಗ್ ಸಲುವಾದ್ ಕಾಡುಗ್ ಪೋಪೆರ್. ಈ
ವನವಾಸದ ಸಮಯಡ್ ವ್ಯಾಸರೆ ಸಲಹೆ ಸೂಚನೆದ ಪ್ರಕಾರೊ ಅರ್ಜುನೆ ಶಿವನು ಕುರಿತಾದ್
ತಪಸ್ಸು ಮಾಳ್ತ ಪಾಶುಪತೊ ಅಸ್ತ್ರ ಪಡೆಯೊಂದ್ ಸ್ವರ್ಗಗುಲಾ ಪೋದ್ ಇಂದ್ರನ ಕೈತಲು
ಒಂತೆ ಸಮಯ ಇಪ್ಪುವೆ. ಇಂದ್ರೆ ಲೋಮಶ ಋಷಿಲೆಟ್ ಧರ್ಮರಾಜಗ್ ಒಂಜಿ ಸಂದೇಶನ್
ಕೊರ್ಪೆ. ಧರ್ಮ ರಾಜಗಾಂಡಲಾ ಕವಚ ಕುಂಡಲಧಾರಿ ಕರ್ಣನ ವಿಚಾರಡು ಪೋಡಿಗ್.
ವುಂದೆನ್ ಇಂದ್ರೆ ಪರಿಹಾರ ಮಾಳ್ತುನ ವಿಶ್ವಾಸನ್ ಧರ್ಮರಾಜಗ್ ತೆರಿಪ್ಪಾವೆ.

ಇಂದ್ರೆ ಕರ್ಣನ ಕವಚ ಕುಂಡಲೆನ್ ಭಿಕ್ಷೆದ ರೂಪೊಡ್ ಪಡೆಯೊಂಚಿನ ಉದ್ದೇಶ
ಕರ್ಣನ ಅಮ್ಮೆ ಸೂರ್ಯಗು ತೆರಿಪುಂಡು. ಈ ಸಂಗತಿನು ಕರ್ಣಗು ತೆರಿಪ್ಪಾವಡು ಪಂಡುದ್
ನಿಶ್ಚಯ ಮಾಲ್ತಾದ್ ಕಾಂಡೆದ ಕನಟ್ಟು ಬ್ರಾಣೆನ ರೂಪೊಡ್ ಬೈದ್ ಇಂಚ ಪಂಣೈ -
'ಬಾಲೆ ಕರ್ಣ! ಇತ್ತೆ ಯಾನು ಪಣ್ಣಿನ ಪಾತೆರೆಲೆನು ಎಚ್ಚರವಾದೀ ಕೇಣ್. ಈ ಎಂಕು
ಸಮೀಪವರ್ತಿಯಾದ್ ಉಳ್ಳೆ. ಪಾಂಡವರೆಗು ಶುಭ ಫಲ ಉಂಟಾಯರೆ ಇಂದ್ರೆ ಕಪಟ
ವೇಷಡ್ ಬತ್ತುದ್, ನಿನ್ನಡುಪ್ಪುನ ಕವಚ ಕುಂಡಲೆನ್ ಬಿಕ್ಷೆಗಾದ್ ಬರ್ಪೆ. ಈಯಾಂಡಲಾ
ಮಹಾದಾನಿ ಪಂಡ್‌ದ್ ದುಂಬು ಪಿರ ತೂವಂದೆ ದಾನ ಮಾಳ್ತುವ ಪಣ್ಣುನ ಸಂಗತಿ ತೆರಿದು,
ನಿನಡುಪ್ಪುನ ಈ ಯೋಗ್ಯ ಗುಣಕ್ಕುಲೇ, ಅವೆನ್ ದುರುಪಯೋಗದ ಫಲನು ಪಡೆಯರೆ
ಇಂದ್ರನ ಆಲೋಚನೆ. ಬ್ರಾಣ ವೇಷಡ್ ಬತ್ತುದ್ ಭಿಕ್ಷೆ ಕೇಣ್ಣಾಗ ಇಂದ್ರನು ಪೋರ್ಪೆಡೆ

ಸತ್ಕಾರ ಮಾಲ್ಕು. ಭಕ್ತಿಡ್ ಪಾತೆರುಲಾ ಸ್ತುತಿಲಾ ಮಾಂಪುಲಾ. ಈ ಸಂದರ್ಭೊಡ್ ನೆನಪಿಪ್ಪಡ್. ಕವಚ ಕುಂಡಲೆನ್ ಮಾತ್ರ ದಾನ ಮಲ್ಪೊಡ್ಲಿ. ಕವಚ-ಕುಂಡಲ ಅತ್ಯುತ್ತಮವಾಯಿನ ಅಮೃತಡುದೇ ಪುಟ್ಟಿನವು. ವುಂದೆನ್ ಧರಿಸುನಾಕ್ಲ ಅವಧ್ಯೆರಾಪೆರ್. ಮುಕ್ಲೆನ್ ಕೆರ್ಪುನ ಅಸಾಧ್ಯ. ಈ ಪುಟ್ಟುನಾಗನೆ ಬೈದಿನ ಕವಚ-ಕುಂಡಲೆನ್ ದಾನ ಮಾಲ್ತಂಡ ನಿನ್ನ ಆಯುಷ್ಯ ಕಡಿಮೆ ಆಪುಂಡ್. ಅವೆಡುದಾವರ ವುಂದೆನ್ ಖಂಡಿತಾ ಕೊರೊಡ್ಲಿ. ವುಂದೆಕ್ಕ್ ಉತ್ತರವಾದ್ ಕರ್ಣ-ಭಗವಾನ್! ಇತೊಂಜಿ ಪ್ರೀತಿಡ್ ಎನಡ ಪಾತೆರುನ - ಸಲಹೆಕೊರ್ಪುನ ಈಯಾಂಡಲಾ ಏರು? ದಯಮಾಂತ ತೆರಿಪ್ಪಾಲ ಪಣ್ಣೆಕ್ ಸೂರ್ಯೆ ಯಾನಾಂಡಲಾ ಸಹಸ್ರಕಿರಣಧಾರಿ ಸೂರ್ಯೆ ಏನು ಪಂಡಿಲೆಕ್ಕ್ ಮಾಲ್ತಂಡ ನಿಕ್ಕ್ಲಾ ಶ್ರೇಯಸ್ಸು. ಕರ್ಣ ಪಂಣ್ಣೆ - ಎನ್ನ ವೊಂಜಿ ವ್ರತವುಂಡ್. ಅವ್ವೇದಾನ ವ್ರತೋ ಇಂದೆನು ಇತ್ನೇಡ ಮಾತೊಂದ್ ಬತ್ತುದೆ. ಬೇಡುದ್ ಬೈದೊನಾಕ್ಲೆಗ್ ಇಜ್ಜಿ ಪಂಣ್ಣಿನವು ಅಸಾಧ್ಯವಾಯಿನ ಪಾತೆರೊ. ಎನ್ನ ಪ್ರಾಣ ಕೆಂಡಲಾ ಕೊರಿಯರ ತಯಾರುಳ್ಳೆ. ಅವೆಡುದಾವರ ದಾನ ಧರ್ಮೊಡ್ ಪಿರತಿರುಗಿ ತೂಪಿಲೆಕ್ಕೊ ಮಾಳ್ಪಡ. ಈ ಶರೀರ ಒಂಜತ್ತ ಒಂಜಿ ದಿನೋ ಮಣ್ಣಾದ್ ಪೋಪುಂಡ್. ಅವ್ವೇ ಕೀರ್ತಿ ಶಾಶ್ವತ. ಕೀರ್ತಿವಂತೆರ್ಗ್ ಉತ್ತಮ ಪದವಿ ಲಭ್ಯೊ. ಈ ಲೋಕೊಟುಲಾ ಎಡ್ಡೆ ಪುದರು ಪಡೆಯೊಂದ್ ಪೋಪೆ. ಬಾಲೆ! ಕರ್ಣ - ಈ ಪಂಣ್ಣಿನವು ಸರಿಯಾದೇ ಉಂಡ್. ಕೀರ್ತಿನೇ ಗುರಿಯಾದ್ ದಿಡೊಂದ್ ನಿನ್ನ ಸ್ನೇಹ ನಂಬೊಂದ್ ವುಪ್ಪುನಾಕ್ಲೆನ್ ಕಡೆಗಣಿಸಾಯರ ಬಲ್ಲಿ. ಪ್ರಾಣ ಕೊರುದಾಂಡಲಾ ಕೀರ್ತಿ ಗಳಿಸಾವುನ ಸರಿಯಾದೆ ವುಂಡ್. ನಿನ್ನ ಅಪ್ಪೆ, ಅಮ್ಮೆ, ಜೋಕ್ಲೆಗ್, ಸ್ನೇಹಿತೆರೆಗ್ ವುಂದೆಡ್ ದಾಯಿದ ಪ್ರಯೋಜನ? ಎನ್ನ ಪಾತೆರುದಂಜಿ ನಡೆಯೊಂದ್ ಇತ್ತುಂಡ ಕೀರ್ತಿ ಸುಖ ಪ್ರದವಾಪುಂಡ್. ಈ ಎನ್ನ ಭಕ್ತಿಯಾಯಂಜಿ ನಿಮಿತ್ತ ಇಂಚ ಪಂಣ್ಣಿ ಕೊರ್ಯೆ. ಅವೆಕ್ಕ್ ಕರ್ಣ - ಸೂರ್ಯದೇವಾ! ಪರಶುರಾಮೆರ್ ಆಚಾರ್ಯ ದ್ರೋಣೆರ ಕೈತಲ್ ಅನೇಕ ಮಹಾ ಅಸ್ತ್ರಲೆನು ಪಡೆಯೊಂಡೆ. ಕವಚ-ಕುಂಡಲೆನು ದಾನವಾದ್ ಕೊರ್ಪು ನೆಡುದು ಯಾನು ಖಂಡಿತಾ ದುರ್ಬಲೆ ವಾಪುಜ್ಜಿ. ಇಂದ್ರೆ ಕೆಂಡುನಯಿನ್ ಕೊರಿಯೆರ ಎಂಕ್ ಅನುಮತಿ ಕೊರ್ಲೆ. ಈ ಸಮಯಡ್ ಕರ್ಣನ ಮನಸ್ಸು ಬದಲಾಯಿಸಾಯರ ಅಸಾಧ್ಯ ಇಪ್ಪುನಾಗ ಸೂರ್ಯ ಇಂಚ ಪಣಪ್ಪೆ. ಕರ್ಣ! ಇಂದ್ರೆ ದಾನರೂಪವಾದ್ ಕವಚ-ಕುಂಡಲೆನು ಕೊರ್ಪುನ ಪಂಡುದು ಇತ್ತುಂಡ ಈ ಎನ್ನ ಸಲಹೆಯೊಂಜಿ ವುಂಡ್. ಇಂದ್ರ ದೇವೆರೇ! ಯಾನು ಕವಚ-ಕುಂಡಲೆನು ಕೊರ್ಪುನಂತೂ ನಿಶ್ಚಯ. ಆಂಡ ಒಂಜಿ ನಿಯಮ ಉಂಡು. ಎನ್ನ ಶತ್ರುಲೆನ್ ಸಂಹಾರ ಮಾಳ್ವರ ಶಕ್ತವಾಯಿನ ಅಪ್ರತಿಹತವಾಯಿತ ಶಕ್ತ್ಯಾಯುದ್ಧನ್ ಎಂಕು ಕೊರೊಡು. ಇಂಚ ಒಂಜಿ ನಿಯಮ ಪಾಡ್ ದಾನ ಮಾಳ್ಪು” ಪಂಡ್ ದ್ ಸೂರ್ಯೆ ಅದೃಶ್ಯ ಆಪೆ. ವುಂದ್ ಮಾಂತ ಕರ್ಣನ ಕನಟ್ಟು ನಡತ್ತು ಪೋಯಿನ ಘಟನೆ ವುಂದೆತ್ತ ಸತ್ಯಾಸತ್ಯಲೆನ್ ಮನತಾನಿ ಸೂರ್ಯ ದೇವನ್ ಪ್ರಾರ್ಥನೆ ಮಾತೊಂದ್ ತೆರಿಯೊಂದ್ ದೃಢ ಮಾಳ್ಪುವೆ.

ದೇವೇಂದ್ರಗ್ ಕವಚ - ಕುಂಡಲನ ದಾನ

ಕರ್ಣ ಈ ವಿಷಯನು ನನೆಯೊಂದ್ ಗಂಗಾ ಸುದೆಕ್ಕು ಮೀಯಾರ ಪೂಯಿನ ಪೂರ್ತುಡ್ ಮೀದ್ ಸೂರ್ಯದೇವೆರೆನು ಪ್ರಾರ್ಥನೆ ಮಾಲ್ತುಡ್ ಇಪ್ಪುನಾಗ ಇಂದ್ರ ಬ್ರಾಣೆನ ವೇಷಡ್ ಬೈದ್. ಬಿಚ್ಚಂದೇಹಿ ಪಂಡ್ ಪಂಣೈ. ಈ ಸಮಯಡು ಬ್ರಹ್ಮಚ್ಚಾನಿಲು ಬತ್ತುದ್ ವಯಿನ್ ನಟ್ಟೋಂಬೆರೊ ಅವೆನ್ ಕೋರ್ಪುನ ಕರ್ಣನ ಪದ್ಧತಿ. ಪೂಜ್ಯರೇ! ಈರೆನ ವಿಚಾರವಾಂಡಲಾ ದಾಯಿತ? ಧನೊಕೊರೊಡೇ? ಗೋ ಸಂಕುಲೆನು ಕೊರೊಡೇ? ಭೂಮಿತ ಅಪೇಕ್ಷೆನೇ? ದಾನೆ ಕೊರೊಡ್? ಕೊರ್ಪೆ. ಅವೆಕ್ಕು ಇಂದ್ರ ಕರ್ಣ! ಎಂಕ್‌ವುಂದ್ ಒಯಿಟ್ಟಲಾ ಅಪೇಕ್ಷೆ ಇಚ್ಚಿ. ಈ ಕೊರ್ಪುನವೆ ಆಂಡ ನಿನ್ನ ಶರೀರಗ್ ಅಂಟೊಂದ್ ವುಪ್ಪುನ ಕವಚ ಕುಂಡಲೆನ್ ಕತ್ತರಿತ್ತಾದ್ ಕೊರು" ಅವೆಕ್ಕು ಕರ್ಣ. ಪೂಜ್ಯರೇ! ವಾಸಗ್ ಇಲ್ಲ, ಧಾರಾಳವಾದ್ ಗೋವುಲೆನ್ ಮಾಂತ ಕೊರ್ಪೆ. ಈ ಎನ್ನ ಶರೀರಗ್ ಅಂಟೊಂದ್ ಇಪ್ಪುನ ಕವಚ-ಕುಂಡಲೆನ್ ಎಂಚ ದಾನ ಮಳ್ಳೊಲಿ? ಈ ಕವಚ ಕುಂಡಲ ವುಂದೆಟ್ಟು ದಾನೆ ಪ್ರಯೋಜನ ಆಂಡ ಆ ಬ್ರಾಣೆ ಕವಚ-ಕುಂಡಲ ಅತ್ತಂದೆ ಬೇತೆ ಎಂಕ್ ವಾವೊಂಜಿ ವಸ್ತುಲಾ ಬೊಡ್ಡಿ. ಇಂಚ ಹಠ ಮಾಲ್ತಿನ ಈ ಬ್ರಾಣೆ ಇಂದ್ರ ದೇವನೆ ಪಂಡುದು ಕರ್ಣಗ್ ತೆರಿದ್ ಮನಸ್ಸುಡ್ ಚೆಲಿತ್ತುದ್ ದೇವ ದೇವಾ! ಈ ಏರು? ಪಂಣೈನ ನಿಜವಾಂಡ್. ಒಂಜಿ ಸತ್ಯೋ. ತ್ರಿಲೋಕಾಧಿಪತಿ ಇಂದ್ರ. ಯಾನ್ ಇರೆಗ್ ವಾ ಒಂಜಿ ಪ್ರಯೋಜನ ಇದ್ಯಂದೆ ದಾನ ಕೋರ್ಪುನ ಸರಿಯತ್ತ. ಈರ್ ಎನನ್ ಬೆಡುನಾ, ಯಾನ್ ಈರೆಗ್ ದಾನ ಕೋರ್ಪುನಾ ಈ ರಡ್ಡಲಾ ಹಾಸ್ಯಾಸ್ಸದ. ಇರೇ ಎಂಕ್ ವರ ಕೋರ್ಪುನ ಸಾಧುವಾಯಿನ ಕ್ರಮ. ಅವೆಕ್ಕು ವಿನಿಮಯ ರೂಪಡ್. ಕವಚ ಕುಂಡಲೆಗು ಪ್ರತಿಯಾದ್ ಒಂಜಿವರನು ಕೊರೊಡ್. ಅವು ಅಸಾಧ್ಯ ಪಂಡುದಾಂಡ ಏನು ವುಂದೆನು ದಾನ ಮಾಲ್ಪುನ ಸಾಧುವತ್ತ. ಇಂದ್ರ ಉತ್ತರವಾದ್ ಕರ್ಣ! ಯಾನ್ ಬ್ರಾಣ ವೇಷಡ್ ಬೈದಿನ ಇಂದ್ರ. ನಿನ್ನ ಇಚ್ಚೆ ವುಪ್ಪುಲೆಕ್ಕೊನೆ ಆವಡು. ಕವಚ ಕುಂಡಲೆನು ವಿನಿಮಯ ರೂಪೊಡು ಕೊರು" ಎನ್ನ ವಜ್ರಾಯುಧ ವೊಂಜಿ ಬುಡುದ್ ಬೇತೆ ವಾ ಅಸ್ತ್ರಲೆನು ಬೋಡೊ ಅವೆನ್ ಕೇಣು". ಅವೆಕ್ಕು ಕರ್ಣ - ಭಗವಾನ್! ಕವಚ-ಕುಂಡಲೆಗ್ ಸರಿಯಾದ್ ವಿನಿಮಯ ರೂಪಡ್ ನಿನ್ನಡ ವುಪ್ಪಿನ ಶಕ್ತ್ಯಾಯುಧನು ಎಂಕು ಕರುಣಿಸು". ವುಂದೆಕ್ಕು ಇಂದ್ರ ಅನುಮತಿ ಕೊರುದ್. ಈ ಶಕ್ತ್ಯಾಯುಧ ನಿನ್ನಡ ವುಪ್ಪುನ ಮಾಂತ ಅಸ್ತ್ರ ವಿಫಲವಾಯಿನೆಡ್ ಬುಕ್ಕೊ. ಇಂದೆನ್ ಪ್ರಯೋಗ ಮಾಳ್ಪೊಡ್. ಈ ಏರೆನು ಕೆರಿಯರ ಯೋಚನೆಡ್ ಉಳ್ಳನೊ. ಆ ವೀರೆ ಶ್ರೀಕೃಷ್ಣನ ಕೈತಲು ರಕ್ಷಿತನಾಪೆ. ಕರ್ಣ ಇಂಚ ಪಂಣೈ - ದೇವೇಂದ್ರಾ! ವುಂದ್ ಸತ್ಯೋ; ಒರಿ ಪ್ರಬಲ ಶತ್ರುನು ಕೆರಿಯರ ಈ ಶಕ್ತ್ಯಾಯುಧನು ನಿನಡ ಕೇಣೈ. ಇಂದ್ರ ದೇವ ನಣೊಂಜಿ ವರ ಏನು ನಿನಡ ನಟ್ಟೊಣೈ. ಎನ್ನ ದೇಹಡುದ್ ಕವಚ-ಕುಂಡಲೆನ್ ಕತ್ತರಿತ್ತ್ದ್ ಕೊರುನೆಡುದ್ ಬುಕ್ಕೊ ಎನ್ನ ಶರೀರ ಗಾಯಡುದು ಕುರೂಪವಾವಂದಿಲೆಕ್ಕೊ ಅನುಗ್ರಹ ಮಾಲ್ಪು. ಅಂಚನೆ ಇಂದ್ರ ವರನು ಅನುಗ್ರಹ ಕೊರುದ್ ಈ ನಿನ್ನ ಶರೀರಡು ಗಾಯದ ಗುರುತುಲಾ ಒರಿಪ್ಪುಚ್ಚಿ.

ನಿನ್ನ ಅಮ್ಮೆಲೆಕ್ಕೊ ತೇಜಸ್ವಿಯಾದ್ ಸತ್ಯನಿಷ್ಠೆಡು ಮಂಗಳ ವಾವಡು. ಅಂಚನೆ ಲೋಕೊಡ್ ದಾನಶೂರ ಕರ್ಣೆ ಪುದರುಡು ಕೀರ್ತಿವಂತನಾಪ್ ಇಂಚ ಅನುಗ್ರಹ ಕೊರುನೆಡುದ್ ಬುಕ್ಕೊ ಕರ್ಣೆ ಹರಿತವಾಯಿನ ಆಯುಧಲೆಡು ತನ್ನೊ ಶರೀರಗು ಅಂಟೊಂದಿಪ್ಪುನ ಕವಚಲೆನು ಕತ್ತರಿತ್ತುದು ನೆತ್ತೆರುಡುದ್ ಬೊದುಲೊಂದಿತ್ತೆ ಲೆಕ್ಕೊನೆ, ಕೆಬಿತ್ತ ಕುಂಡಲೆನು ದೆತ್ತುದ್ ಇಂದ್ರಗ್ ಸಂತೋಷಡು ಕೊರುಪ್ಪೆ. ವಿನಿಮಯ ರೂಪವಾದ್ ಇಂದ್ರೆ ಮಹಾ ತೇಜಸ್ಸಡ್ ಪ್ರಜ್ವಲಿಪುನ ಶಕ್ತ್ಯಾಯುಧನು ಕರ್ಣಗ್ ಅನುಗ್ರಹಿತ್ ದ್ ಕೊರ್ಪೆ. ಕರ್ಣೆ ಕವಚ-ಕುಂಡಲೆನು ಇಂದ್ರಗ್ ಕೋರಿನ ವಿಷಯೊ ತೆರಿದು ದುರ್ಯೋಧನಾದಿಲೆಗ್ ಭಾರಿ ವ್ಯಥೆ ಆಪುಂಡ್.

ಕೃಷ್ಣ - ಕರ್ಣ ಸಂವಾದೊ

ಪಾಂಡವರು ವನವಾಸ ಅಜ್ಞಾತವಾಸೊ ಪೂರೈಸಾದ್ ಬತ್ತುದ್ ತಮ್ಮ ಪಾಲು ದ ರಾಜ್ಯಲೆನು ಕೇಣುನಗ ದುರ್ಯೋಧನೆ ಒಂಜಿ ಸೂಜಿ ಮೂನೆತ್ತಾತ್ ಜಾಗೆಲಾ ಪಾಂಡವರೆಗ್ ಕೊರಿಯರೆ ಆಪುಜ್ಜಿ ಪಂಡುದ್ ಖಡಾಖಂಡಿತವಾದ್ ಪಣ್ಣೆ. ಯುದ್ಧೋ ಅನಿವಾರ್ಯ ಪಂಡ್ ದಾಂಡ್. ಕಡೆತ್ತ ಪ್ರಯತ್ನ ಪಂಡುದ್ ಕೃಷ್ಣೆ ದೂತೆ ಆದ್ ಹಸ್ತಿನಾವತಿಗ್ ಕೌರವರೆ ರಾಜ ಸಭೆಗ್ ಪೋಪೆ ಸಂಧಾನ ಪ್ರಯತ್ನ ವಿಫಲವಾಪುಂಡ್. ಕೃಷ್ಣೆ ಕೌರವರೆನ ರಾಜ್ಯ ಸಭೆಡ್ ಪಿದಾಡುನಾಗ ರಥಟ್ಟು ಕರ್ಣನ್ ಕುಳ್ಳೊವಾಂದ್ ಏಕಾಂತಜಾಗೆಗ್ ಲೆತ್ತ ಪೋದ್ ಕರ್ಣ! ಯಾನ್ ಪಂಣ್ಣಿನ ಪಾತೆರೆನ್ ಒಂತೆ ಗಮನ ದೀದ್ ಕೇಣು. ಈ ಅದಿರಥ-ರಾಧೆರೆನ ಮಗೆ ಅತ್ತು. ಸೂರ್ಯನ ಶಕ್ತಿಡ್ ಕುಂತಿನ ಮಗೆಯಾದ್ ಜನ್ಮ ಪಡೆಯೊಂದೆ. ಶಾಸ್ತ್ರಲು ಪಂಣ್ಣಿ ಪ್ರಕಾರೊ ಈ ಪಾಂಡುವಂಶದಾಯೆ. ಎನ್ನೊಟ್ಟುಗ್ ಉಪಪ್ಪಾವ್ಯಗ್ ಬಲ. ನಿನನ್ ರಾಜ್ಯ ದ ರಾಜೆಯಾದ್ ಪಟ್ಟಾಭಿಷೇಕ ಮಾಳ್ತುವೆ. ಧರ್ಮರಾಜಗುಲಾ ಈ ಹಿರಿಯಾಯೆ. ಪಂಚ ಪಾಂಡವರು ನಿನ್ನ ಸೇವೆ ಮಾಳ್ತಲೆಕ್ಕೊ ಮಾಳ್ತುವೆ. ನಿನ್ನ ಮ್ಯಾಗನಾಕ್ಕೆ ಒಟ್ಟುಗ್ ಸೇರೊಂದ್ ರಾಜ್ಯ ಭೋಗಲೆನ್ ಅನುಭವಿತ್ತೊಂದ್ ಸುಖೊಟ್ಟು ಇಪ್ಪೊಳ್ಳಿ". ವಂದೆನ್ ಕೆಂಡುದ್ ಕರ್ಣೆ - "ಕೇಶವ! ಎನ್ನ ವಿಷಯೊಡ್ ಪ್ರೀತಿ ದೀಡುದ್ ಪಂಣ್ಣಿನ ವಿಚಾರ ಮಾಂತಲಾ ಸತ್ಯ. ಯಾನ್ ಕುಂತಿನ ಮಗೆ ಪಂಣ್ಣಿ ವಿಚಾರಲೊ ಸತ್ಯ. ಈ ಸಂದರ್ಭಡು ಕುಂತಿ ಎನ್ನನು ನೀರುಡ್ ತೇಲಾದ್ ಬುಡಿಯಾಳ್. ರಾಧೇಯಿ ನೀರುಡ್ ದ್ ಮಿತ್ತ್ ದೆರ್ತ್ ಬತ್ತುದು ಪ್ರೀತಿಡ್ ಸಾಂಕಿಯಾಳ್. ಅಧಿರಥೆ ವಾವೊಂಜಿ ಕೊರತೆ ಇದ್ಯಂದೆ ಸಾಂಕುದೆ. ಇತ್ತೆಯಾನ್ ಕುಂತಿ ಮಗೆ ಪಾಂಡವ ಪಂಡ್ ದ್ ಪರಬ್ಬೆರಾಯಿನ ಅಕ್ಕೆನ್ ತೊಪುನಾಕ್ ಲಾಂಡಲಾ ಏರು? ಆಕ್ಕೆ ಮನಸ್ಸಗ್ ಏತ್ ಬೇನೆ ಆವು ಪಂಣ್ಣಿನ ನೆನೆಪ್ಯರಲಾ ಆಪುಜ್ಜಿ. ನದಿಟ್ಟು ತೇಲೊಂದು ಇಪ್ಪುನಾಗ ಅಕ್ಕೆ ಕೈಗ್ ತಿಕ್ಕುಡ್ ದ್ ಬುಕ್ಕೊ ಅಕ್ಕೆಗ್ ಯಾನ್ ಮಲ್ಲ ಸಂಪತ್ತು ತಿಕ್ಕಿಲೆಕ್ಕೊ ಆತುಂಡ್. ಬ್ರಾಣೆರ್ ವಸುಷೇಣ ಪಂಡ್ ದ್ ನಾಮಕರಣ ಮಾಳ್ತೆರ್. ಅವತ್ತಂದೆ ಎಂಕ್ ಸೂತ ಜಾತಿದ ಪೂಣ್ಣನ್ ತೂದ್ ಮದ್ಮೆಲಾ ಮಾಲ್ತೆರ್. ಜೊಕ್ಕೊಲಾ ಉಳ್ಳೆರ್. ಅಕ್ಕೆ ಸಂಬಂಧಲಾ ಆತುಂಡ್. ಅವತ್ತಂದೆ ದುರ್ಯೋಧನ ಸ್ನೇಹ ಆಶ್ರಯಲೆನು

ಪಡೆದ ಪದಿಮೂಜಿ ವರುಷಡುದ್ ಸಂತೋಷಡು ಉಳ್ಳೆ. ಎನ್ನನು ನಂಬುದ್ ಎನ್ನ ಪರಾಕ್ರಮಡ್ ಭರವಸೆ ದೀದ್ ದುರ್ಯೋಧನೆ ಪಾಂಡವರೊಟ್ಟುಗ್ ಯುದ್ಧ ಮಾಲ್ವರ ಸಿದ್ಧತೆಡುಲಾ ಉಳ್ಳೆ. ಒಂಜಿ ವೇಳೆ ಈ ಪಂಡಿಲೆಕ್ಕೊ ಯಾನ್ ಪಾಂಡವರೊಟ್ಟುಗ್ ಬೈದುಂಡ ಲೋಕದ ಜನಕ್ಕುಲು ಭೇಡಿಸಾವಂದೆ ವುಪ್ಪುವರೆ? ಮಾಂತೆರ್ದಾ ದೂರ ಮಾಲ್ತಿಪ್ಪುನಾಗ ಸಾಕುನ ಅಪ್ಪೆ ಅಮ್ಮೆರೆನ್ ವಿಶ್ವಾಸಡ್ ರಾಜ್ಯಾಧಿಕಾರಲೆನು ಕೊರಿನ ಸ್ನೇಹಿತನ್ ಬುಡ್‌ದ್ ಬತ್ತುದ್ ತಿಕ್ಕುನ ಭಾಗ್ಯನು ಪಡೆಯೊಂಡ ದಾಯಿತ ಪ್ರಯೋಜನ? ಶಾಶ್ವತವಾಯಿನ ಅಪಕೀರ್ತಿ ಈ ಲೋಕೊಡ್ ಎಂಕ್ ತಿಕ್ಕುಂಡ್. ಕೃತಘ್ನತಾ ದೋಷಡ್‌ದಾವರ ಪರಲೋಕಲಾ ಎಂಕ್ ಇದ್ಯಂದೆ ಆಪುಂಡ್. ಒಂಜಿ ವೇಳೊ ಎಂಕ್ ರಾಜ್ಯ ತಿಕ್ಕುಂಡಲಾ ಎನ್ ಅವೆನ್ ದುರ್ಯೋಧನಗ್ ಒಪ್ಪಾಸಾಪೆ. ಅವು ನಿಕ್ಕುಲಾ ಎಂಕ್‌ಲಾ ಸಮ್ಮತವತ್ತು. ಧರ್ಮಾತ್ಮೆ, ಮಹಾತ್ಮೆ ನಾಯಿನ ಧರ್ಮರಾಜನೇ ರಾಜ್ಯನು ಪಾಲನೆ ಮಾಳ್ವಡು. ವುಂದ್ ಕ್ಷೇಮ. ಇಂದೆತ್ತ ಒಟ್ಟುಗ್ ದಯಮಾಲ್ತು ಎನ್ನ ಒಂಜಿ ಪಾತೆರನ ನಡಪ್ಪಾದ್ ಕೊರೊಡ್. ಕೃಷ್ಣಾ! ವೊಂತೆ ಸಮಯೊ ಯಾನು ಮಹಾಮಾತೆ ಕುಂತಿ ಪುತ್ರ ಪಂಣಿ ವಿಚಾರ ತೆರಿಯಂದೆ ವುಪ್ಪಡ್” ಕೃಷ್ಣ ಕರ್ಣನ ಪಾತೆರಗು ಒತ್ತುದ್ ಕರ್ಣ ದುಂಬುದ ಅಮಾವಾಸ್ಯೆದಾನಿ ಯುದ್ಧ ಪ್ರಾರಂಭ. ಈ ಸಂಗತಿಲೆನು ಭೀಷ್ಮ, ದ್ರೋಣಾದಿಲೆಗ್ ತೆರಿಪ್ಪಾಲ ಇಂಚ ಪಂಡ್‌ದ್ ಕೃಷ್ಣ ಕರ್ಣನು ಗಾಢವಾದ್ ತಬ್ಬೊಂದ್, ಪಂಡುದ್ ಪಿರ ನಿರ್ಗಮಿಸಾಪೆ.

ಕುಂತಿ - ಕರ್ಣರ ಭೇಟಿ

ವಿದುರೆ-ಕುಂತಿಮಾತೆಯ ಕೈತಲ್ ಬತ್ತುದ್ ಶ್ರೀಕೃಷ್ಣ ಸಂಧಾನೊ ವಿಫಲವಾಯಿನ ವಿಚಾರ, ಕೌರವ-ಪಾಂಡವರ ಮಧ್ಯೆ ಯುದ್ಧ ನಿಶ್ಚಯವಾದ್ ಆಪುಂಡು ಪಂಣೆರ್. ವುಂದೆನ್ ಕೆಂಡುದು ಕುಂತಿ ಯೋಚನೆ ಮಾಳ್ತುದ್ “ದುಂಬು ಆಪುನ ಯುದ್ಧೊಂಟ್ ಆಚಾರ್ಯರಾಯಿನ ದ್ರೋಣೆರ್ ಎನ್ನ ಹಿತ್ತಟ್ಟು ಆಸಕ್ತಿ ವುಳ್ಳೆರ್. ಎನ್ನ ಜೋಕ್ಲ ಆರೆನ ಶಿಷ್ಯರಾಯಿನ ಪಾಂಡವರೆಡ ಮನಸ್ಸು ದೀದ್ ಯುದ್ಧ ಮಲ್ಪಯಿರ್. ವೃದ್ಧರಾಯಿನ ಭೀಷ್ಮೆರ್ ಎನ್ನ ಜೋಕ್ಲೆ ವಿಷಯಡ್ ತೊಂದರೆ ಮಾಳ್ಪಯಿರ್. ಪಾಂಡವರೆ ವಿಷಯಡ್ ದುರ್ಯೋಧನಗ್ ಬೆಂಬಲ ಕೋರ್ಪುನಾಯೆ ಪಂಡ ಕರ್ಣ. ಇತ್ತೆ ಯಾನು ಎನ್ನ ಜೋಕ್ಲೆ ಹಿತಕ್ಕು ಸಲುವಾದ್ ಒಂಜಿ ಮುಖ್ಯ ಕಾರ್ಯೊ ಮಾಂಪೊಡ್. ಕರ್ಣನ ಕೈತಲ್ ಪೊದ್ ಈ ಎನ್ನ ಮಗೆ ಪಂಣಿ ನಿಜ ಸಂಗತಿಲೆನ್ ತೆರಿಪ್ಪಾದ್ ಕರ್ಣನ ಮನಸ್ಸುನ್ ಪರಿವರ್ತಿಸಾವುನ ಪ್ರಯತ್ನ ಮಾಳ್ಪುವೆ. ಇಂಚ ಯೋಚನೆ ಮಾಲ್ತು ಕರ್ಣನ ಕೈತಲು ಪೋಪಾಳು.

ಕುಂತಿ ಕರ್ಣನು ನಾಡೊಂದ್ ಗಂಗಾ ಸುದೆತ ತೀರಗ್ ಪೋಪಳು. ಈ ಸಮಯಡ್ ಕರ್ಣ ಸೂರ್ಯಾರಾಧನೆ ಮಾಳ್ತೊಂದಿಪ್ಪೆ. ಕರ್ಣ ಸೂರ್ಯ ಜಪ ಮುಗಿಪ್ಪಾದ್ ಪಿರ ತಿರುಗುನಾಗ ಕುಂತಿಮಾತೆನು ತೂಪೆ. ಆಳೆ ಕೈತಲ್ ಬತ್ತುದ್ ನಮಸ್ಕಾರ ಮಾಳ್ತುದ್ ಪಂಣೆ- “ದೇವಿ! ಅಧಿರಥ-ರಾಧೆಯೆರ ಮಗೆಯಾಯಿನ ಕರ್ಣ ನಮಸ್ಕಾರ ಮಾಳ್ಪುವೆ. ಎನ್ನಡ

ದಾಯಿದ ಕಾರ್ಯಾ ಆವಡು? ಉತ್ತರವಾದ್ ಕುಂತಿ - “ಕರ್ಣ! ಬಾಲೆ! ಈ ರಾಧೆಯ ಮಗೆ ಅತ್ತ. ಎನ್ನ ಮಗೆ ಯಾನ್ ಕನ್ಯೆಯಾದ್ ಇಪ್ಪುನಾಗ್ ಸೂರ್ಯನ ವರ ಪ್ರಸಾದಡ್ ಈ ಎನಡ ಪುಟ್ಟಿನ ಎನ್ನ ಜೋಕ್ಕೆಡ್ ಈ ಮಲ್ಲಾಯೆ. ಪೂರ್ವಡ್ ಅರ್ಜುನೆ ಯುದ್ಧ ಮಾಲ್ತುದ್ ಪಡೆಯೊಂತಿ ರಾಜ್ಯನ್ ದೃತರಾಷ್ಟ್ರನ ಜೋಕ್ಕು ಮೋಸದ ಪಗಡೆಗೊಬ್ಬುದ್ ಪಡೆಯೊಂಡೆರ್. ಇತ್ತ ಈ ನಿನ್ನ ಮೈಗ್ಯಡಿಕ್ಕುಲೆಟ ಯುದ್ಧೋ ಮಾಳ್ಪುನ ಸರಿಯತ್ತ. ಕರ್ಣಾರ್ಜುನೆರ್ ಒಂಜಾಪುನ ಈ ಪ್ರಪಂಚೊ ತೂವಡ್”. ಅವೇ ಪೋರ್ತ್‌ಗ್ ಒಂಜಿ ಅಶರೀರವಾಣಿ ಪಣ್ಪುಂಡ್. “ಕರ್ಣ! ಪೃಥೆ ಸತ್ಯೋನೆ ಪಣ್ಪಾಳ್. ಅಂಚನೆ ಈ ಮಾಲ್ಪು. ನಿಕ್ ಶ್ರೇಯಸ್ ಆಪುಂಡ್. ವುಂದೆನ್ ಕೆಂಡುದ್ ಕರ್ಣೆ ವಿಚಲಿತ ಆಪುಜ್ಜಿ. ದೃಢೋದ್ವನಿಟ್ ಪಂಣ್ಪೆ. “ಕ್ಷತ್ರಿಯಾಣಿ! ಈ ಪಂಡಿ ಪಾತೆರಡ್ ಎಂಕ್ ವಿಶ್ವಾಸ ಇಜ್ಜಿ. ಈ ಪಂಡಿಲೆಕ್ಕೊ ನಡೆಯೊಂಡ್ ಬತ್ತುಂಡ ಎಂಕ್ ಎಡ್ಡೆ ಆಪುನ ನಂಬಿಕೆ ಇಜ್ಜಿ. ದೇವಿ! ಈ ಪೂರ್ವಡ್ ಮಾಲ್ತಿನ ಅಕಾರ್ಯದಾವರ ಯಾನ್ ಕ್ಷತ್ರಿಯೆ ಆದ್ ಪುಟ್ಟುಂಡಲಾ ಕ್ಷತ್ರಿಯ ಸಂಸ್ಕಾರಲು ಎಂಕ್ ಆತಿಜ್ಜಿ. ಪುಟ್ಟಿ ಕೂಡ್ಲೆ ಎನನ್ ದೂರ ಮಾಳ್ತುದಾವರ ಎನ್ನೊ ಯಶಸ್ಸು ಕೀರ್ತಿಲಾ ಒಟ್ಟುಗೆ ನಾಶವಾಂಡ್ ಪಣೋಳಿ. ಯಾಪ ದಯೆ ದಿವೊಡೋ ಆ ಸಮಯಗ್ ದಯೆ ದೀಯಿಜ್ಜಾ. ಈ ಎನ್ನ ಅಪ್ಪೆಯಾದ್ ವಾವೊಂಜಿ ಹಿತಲೆನ್ ಎಂಕ್ ಮಾಲ್ತಿಜ್ಜಿ. ಅಪ್ಪೆನಂಚಿ ನಡೆಯೊಂತಿಜ್ಜಿ ಅಪ್ಪೆನ ಕರ್ತವ್ಯ ಮಾಳ್ಪಂದೆ ಇತ್ತೆ ಬತ್ತುದ್ - “ಈ ಎನ್ನ ಮಗೆ; ಯಾನು ನಿನ್ನ ಅಪ್ಪೆ” ದಾಯಿತ ಪ್ರಯೋಜನ. ಇತ್ತೆ ಎನ್ನ ತೂಯೆರ ಬೈದಿನ ಎನಡ ಪ್ರೀತಿಡ್ ಆತ್ತು. ಸ್ವಾರ್ಥ ಸಾಧನೆಗೋಸ್ಕರ ಇನಿ ಮುಟ್ಟಿ ಎನನ್ ಸಾಂಕಿನ ಅಪ್ಪೆ ಅಮ್ಮೆರೆನ್ ಎನ್ನ ವಿಶ್ವಾಸೊಡ್ ಯುದ್ಧೋಗ್ ಸಿದ್ಧ ರಾಯಿನ ಸ್ನೇಹಿತೆ ದುರ್ಯೋಧನೆ ಬುಡುದ್ ಬರಿಯರ ಸಾಧ್ಯನೆ ಇಜ್ಜಿ. ಮಾಳ್ತಿನ ಉಪಕಾರನು ನೆನೆದು, ಸಂದರ್ಭಗನುಗುಣವಾದ್ ಪ್ರತ್ಯೊಪಕಾರ ಮಾಳ್ಪು ನಾಕ್ಲ ಸತ್ಪರುಷರೆ ಸಾಲುಗು ಸೇರುವೆರು. ಅಂಚ ಪಂಡುದ್ ಈ ಎನ್ನ ಕೈತಲು ಬತ್ತುದು ವ್ಯರ್ಥ ಆವರ ಬಲ್ಲಿ. ಅರ್ಜುನನೊರಿ ಬುಡುದು ಬಾಕಿ ನಿನ್ನ ಜೋಕ್ಕು ಯುದ್ಧೋಂಟು ಬತ್ತುದ್ ಯುದ್ಧ ಮಾಲ್ತುಂಡಲಾ ಯಾನ್ ಆಕ್ಲೆನ್ ದಾಲಾ ಮಾಳ್ಪುಜ್ಜಿ. ಅರ್ಜುನೆ ಎನ್ನನು ಕೇರುಂಡಲಾ ಯಾನು ಅರ್ಜುನನು ಕೇರುಂಡಲಾ ನಿಕ್ಕು ಐನು ಜನ ಜೋಕ್ಕು ಐನು ಜನ ಪಂಚ ಪಾಂಡವೆರು. ಈ ಜಗತ್ತುಡ್ ಶಾಶ್ವತವಾದ್ ವುಪ್ಪುವೆರ್. ಬೊಕ್ಕ ವೊರ ಬತ್ತಳಿಕೆಗ್ ಏರಿಸಾಯಿನ ಬಾಣನು ಪಿರ ಬತ್ತಳಿಕೆಗು ಏರುಸಾವುಜ್ಜಿ. ಅವೆಕ್ಕು ಕುಂತಿ, ಬಾಲೆ ಕರ್ಣ! ಯಾನು ಪಂಡಿಲೆಕ್ಕೊ ಈ ಕೆಂಡಂಡ ಯುದ್ಧನೇ ನಡಪ್ಪಂದ್. ಯುದ್ಧೋ ನಡತ್ತುದ್ ಜನಕ್ಷಯೊ ಆವಡು ಪಂಣಿ ದೈವ ಇಚ್ಚೆ. ನಿಕ್ಕು ದೇವೆರು ಎಡ್ಡೆ ಮಾಳ್ಪಡ್. ಸುಖವಾದ್ ಇಪ್ಪುಲಾ. ಇಂಚ ಪಂಡುದ್ ಕುಂತಿ ಪಿದಾಡುದ್ ಪೋಪಾಳ್.

ಕರ್ಣ : ಉತ್ತರ ವೃತ್ತಾಂತೊ

ಕುರುಕ್ಷೇತ್ರಡ್ ಕೌರವ - ಪಾಂಡವೆರ ‘ಭಾರತ ಯುದ್ಧೋ’ ಪ್ರಾರಂಭೋ ಆದ್

ಕೌರವರೆನ ಸೈನ್ಯಗ್ ಭೀಷ್ಮ ಸೇನಾಪತಿಯಾದ್ ಸಾರಥ್ಯ ವಹಿಸೊಂಡೆ. ಪಾಂಡವರೆ ಸೈನ್ಯಗ್ ದೃಷ್ಟದ್ಯುಮ್ನ ಸೇನಾಪತಿ. ಇಂಚ ಪತ್ತುದಿನ ಘೋರ ಯುದ್ಧೋ ನಡತ್ತುಂಡ್. ಭಾರಿ ಪ್ರಮಾಣದ ಸೈನಿಕೆರ್, ಕುದುರೆ, ಆನೆಲು ಇತ್ಯಾದಿ ನಷ್ಟವಾಂಡ್. ಈ ಪತ್ತು ದಿನಟ್ಟು ಭೀಷ್ಮರ್ ಅಪಾರ ಯುದ್ಧೋ ಪ್ರೌಢಿಮೆಲೆನು ಮೆರೆದು ಶಿಖಂಡಿ ಅರ್ಜುನರೆ ಬಾಣಡ್ ಗಾಯವಾದ್ ರಣರಂಗೋಡು ಶರಶಯನನಡ್ ಚಿತ್ತರ್. ಪತ್ತೊಂಜನೆ ದಿನೋ ಆಚಾರ್ಯ ದ್ರೋಣರೆನು ಸೇನಾಧಿಪತಿ ಪಟ್ಟಕಟ್ಟುಡ್ ಐನು ದಿನೋ ಘೋರ ಯುದ್ಧೋ ಮಾಳ್ತರ್. ಈ ಯುದ್ಧ ಸಂದರ್ಭಡ್ ನಾರಾಯಣೇ ಅಸ್ತುನ್ ಪಾಂಡವರೆಗ್ ದ್ರೋಣರ್ ಬುಡ್ಡೆರ್. ಅವೆತ್ತ ಪರಿಣಾಮ ಮಹತ್ವಲೆನು ದ್ರೋಣರು ವಿವರಿಸಾವರು. ಪದಿನ್ನೆದನೆಯ ದಿನೋ ದೃಷ್ಟದ್ಯುಮ್ನ ಕೈಡುಡ್ ದ್ರೋಣರೆನ ವಧೆ ಆಪುಂಡ್. ದ್ರೋಣರ್ ಸ್ವರ್ಗಸ್ಥರಾದ್ ಪದಿನ್ನೆದನೆ ದಿನತ್ತ ಭಾರತ ಯುದ್ಧೋ ವುಂತುನೆಡ್ ಬುಕ್ಕೊ ದುರ್ಯೋಧನೆ ತನ್ನ ಶಿಬಿರಗ್ ಪೋದ್ ಮಂತ್ರಿ ಜನಕ್ಕುಲೆಡ ನಣದುಂಬುದ ಕಾರ್ಯಲೆನ್ ಸಮಾಲೋಚನೆ ಪ್ರಾರಂಭೊ ಮಾಳ್ತುವೆ.

ಕರ್ಣ - ಸೇನಾಧಿಪತಿ ನಾಯಕತ್ವೊ

ದುರ್ಯೋಧನೆ ಮಂತ್ರಿ ಜನಕ್ಕುಲೆಡ ಸಮಾಲೋಚನೆ ಮಾಳ್ತುನಾಗ ಅಶ್ವತ್ಥಾಮೆ ಕರ್ಣನ್ ಸೇನಾಪತಿಯಾದ್ ಮಾಲ್ತು ಯುದ್ಧೋ ಮುಂದುವರಿಸಾವರೆ ಸಲಹೆ ಕೊರುಪೆ. ದುರ್ಯೋಧನೆ ಅವೆಕ್ ಒತ್ತುಡ್ ಕರ್ಣ! ನಿನ್ನ ಶೌರ್ಯ ಎನಡ ಪರಮಸ್ನೇಹೋ ಯಾನ್ ತರಿಯೊಂದೆ. ಅತಿರಥ ಸೇನಾಪತಿಲಾಯಿನ ಭೀಷ್ಮ, ದ್ರೋಣರ್ ಹತಾರಾಯೆರ್. ಇತ್ತೆ ಈ ಸೇನಾಪತಿ ಯಾವಡ್. ಈಶೂರ, ಅರ್ಜುನಡ ಅಕ್ಷೇಗ್ ಪಕ್ಷಪಾತೊ ವುತ್ತುಂಡ್. ನಿನ್ನ ಪಾತೆರಗ್ ಸಲುವಾದ್ ಅಕ್ಷೇಗ್ ಸೇನಾಪತಿ ಪಟ್ಟನು ಕೊರೆ. ಎಂಕ್ ವಿಜಯಶ್ರೀ ಲಭಿಸೊಡಾಂಡ ನಿನಡುಡ್ ಮಾತ್ರ ಸಾಧ್ಯೊ. ಸಂಶಯ ಇಜ್ಜಿ. ಈ ರಣರಂಗಗ್ ಜತ್ತಂಡ ಪಾಂಡವರ್ ಪಾಂಚಾಲರು ಮಾಂತೆರಾ ಪೊಡಿಪೇರ್.

ಕರ್ಣ ಸಂತೋಷಡ್ ಸಮ್ಮತಿ ಕೊರ್ದ್ ಸೇನಾಧಿಪತಿ ಪಟ್ಟನು ವಹಿಸೊಳ್ಳೆ. ವುಂದೆನ್ ಕೆಂಡ್ ಕೌರವರೆ ಕಡೆತ್ತ ಸೈನಿಕರೆಗ್ ಭಾರಿ ಸಂತೋಷ ಆಪುಂಡ್. ಅಕ್ಲ ಇಂಚ ಧ್ವನಿ ದೆಪ್ಪುವೆರ್. “ಇನಿ ಬರಿಯರ ಪಣಿ ಯುದ್ಧಗ್ ಅರ್ಜುನನ್. ಭೀಷ್ಮ, ಗುರುಕ್ಕುಲೆನ್ ನಂಬಾದ್ ಕೆರ್ದ್ ಗೆಲ್ತುಡ್ ಬೀಗೊಡ್ಚಿ. ಎಂಕ್ಲೆಗ್ ಇನಿ ದಳವಾಯ್ ಕರ್ಣ” ಮನತ್ತಾನಿ ಬೊಳ್ಳುಗ್ ಕೌರವ ಸೇನೆಲೆನ್ ಮಕರ ವ್ಯೂಹಡ್ ರಚನೆ ಮಾಲ್ತುಡ್ ಅವೆನ ಬಾಗಿಲುಡ್ ಕರ್ಣ, ಕಣ್ಣುಲೆಡ ಶಕುನಿ, ಲೂಲೂಕ ವುಂತಿಯೆರ್. ದುರ್ಯೋಧನೆ ಸಕಲ ಸೇನಾ ಸಮೇತನಾದ್ ಮಧ್ಯಡ್ಂತಿಯೆ. ಅಂಚನೆ ಅರ್ಜುನೆ ತನ್ನ ಸೇನೆನ್ ಅರ್ಧಚಂದ್ರವ್ಯೂಹ ರಚನೆ ಮಾಲ್ತುಡ್. ಅವೆತ್ತ ರಡ್ಡ್ ಭಾಗಲೆಡ್ ಭೀಮೆ, ದೃಷ್ಟದ್ಯುಮ್ನ, ಮಧ್ಯಡ್ ಧರ್ಮರಾಜನ್ ವುಂತಾಯೆ. ಶಂಖ, ಭೇರಿ, ವಾದ್ಯಲು ಧ್ವನಿ ಮಾಲ್ತಿಲೆಕ್ಕೊ ಯುದ್ಧೋ ಪ್ರಾರಂಭವಾದ್ ಘೋರವಾಯಿನ ಯುದ್ಧೋ ನಡತ್ತುಂಡ್. ರಡ್ಡ್ ಪಾಲುಗುಲಾ

ಭಾರಿ ಪ್ರಾಣಹಾನಿ ನಷ್ಟಲಾ ಸಂಭವಿಸಾಂಡ್. ಇಂಚ ಪದಿನಾಜನೆ ದಿನತ್ತ ಯುದ್ಧೋ ಕೈದಾಂಡ್.

ಕರ್ಣ - ದುರ್ಯೋಧನರ ಸಂಭಾಷಣೆ

ಪದಿನಾಜನೆ ದಿನತ್ತ ಯುದ್ಧೋ ಮುಗಿದು ಶಿಬಿರಡ್ ಕರ್ಣ ದುರ್ಯೋಧನನ್ ಭೇಟಿಯಾದ್ ಅಸಮಾಧಾನಡ್ ಈ ಪಾತೆರ ಪಂಣೆ ಅರ್ಜುನಡ ದಾರ್ಡ್ಯ, ದಕ್ಷತೆ, ಧೈರ್ಯದ ಒಟ್ಟುಗ್ ಕೃಷ್ಣ ಸಕಾಲಡ್ ಎಚ್ಚರಿಕೆ ಕೊರೊಂದ್ ವುಳ್ಳೆ. ಅಂಚಾದ್ ನಮೋ ಇನಿತ್ತ ದಿನ ಮೋಸ ಪೊಯೊ. ಎಲ್ಲೆ ಅಂಚ ಅವಕಾಶಲೆಗ್ ಅಸಾಧ್ಯೊ. ಪಂಡ್‌ದ್ ಸಮಾಧಾನ ಮಾಲ್ತು. ಮನತ್ತಾನಿ ಬೊಳ್ಳುಗ್ ಕರ್ಣ ರಾಜ ದುರ್ಯೋಧನನ ಕೈತ್ತಲ್ ಬತ್ತುದ್. ದುರ್ಯೋಧನ ಇನಿ ಅರ್ಜುನನೊಟ್ಟುಗ್ ಯುದ್ಧೋ ಮಾಲ್ಪರ ಪೋಪೆ. ಆ ವೀರನು ಇನಿ ಸಂಹಾರ ಮಾಳ್ತುವೆ. ಅವತ್ತಾಂಡ ಎನನ್ ಅರ್ಜುನೆ ಸಂಹಾರ ಮಾಳ್ತುವೆ. ಬಾಣ ಪ್ರಯೋಗ್‌ಡ್ ಲಾಘವ, ಸೌಷ್ಠವ, ತ್ರಾಣ, ಶೌರ್ಯ, ವಿಜ್ಞಾನ, ವಿಕ್ರಮಲೆಡ್ ಅರ್ಜುನೆ ಎಂಕ್ ಸಮನತ್. ಗಾಂಡೀವ ಎನ್ನ ಬಿಲ್ಲುಗ್ ಸಮನತ್. ಈ ಬಿಲ್ಲು ಇಂದ್ರಗ್ ವಿಶ್ವಕರ್ಮೆ ಮಾಲ್ತು ಕೊರ್ದವು. ವುಂದೆಟ್ ಪರಶುರಾಮ್ ಈ ಭೂಮಿನ್ ಇರ್ವತ್ತೊಂಜಿ ಭಾರಿ ಗೆಂದ್‌ದ್ ಎಂಕ್ ಕೊರ್ದವು. ಯಾನ್ ಅರ್ಜುನಡ್ ಕಡಿಮೆ ಪಂಡ ಅರ್ಜುನನೆ ರಥದೊ ಕಡಿವಾಣೊಲೆನ್ ಪತ್ತನ ಸುವರ್ಣ ಭೂಷಿತೆ ಶ್ರೀಕೃಷ್ಣೆ. ಆ ದಿವ್ಯ ರಥನ್ ರಕ್ಷಿಸಾಪೆ. ಈ ವಿಚಾರಡ್ ಯಾನ್ ಹೀನೆ ಯಾತೆ. ಆಂಡಲಾ ಯುದ್ಧೋ ಮಾಳ್ತುವೆ. ಜಯಶ್ರೀ ನಮನವೇ. ಈ ನ್ಯೂನತೆಲೆನ್ ಬಗೆಹರಿಸಾವರೆ ಸಮರ ಶೋಭಿಯಾಯಿನ ಶಲ್ಯ ಶ್ರೀಕೃಷ್ಣಗ್ ಸಮಾನ. ಅಶ್ವ ಹೃದಯನ್ ತೆರಿನ ಶಲ್ಯ ಎಂಕ್ ಸಾರಥಿಯಾದ್ ಬತ್ತುಂಡ ನಿಶ್ಚಯವಾದ್ ವಿಜಯ ನಮ್ಮ ಪಾಲುಗ್”.

ಕರ್ಣ - ಸಾರಥಿ - ಶಲ್ಯ

ದುರ್ಯೋಧನೆ ಕರ್ಣನ ಪಾತೆರುನ ಕೆಂಡ್‌ದ್ ಶಲ್ಯನ ಕೈತ್ತಲ್ ಪೋದ್ - ವಿನಯಪೂರ್ವಕ, ಪ್ರೀತಿಪೂರ್ವಕವಾದ್ ಈ ಪಾತೆರನ್ ಪಂಣೆ - “ಪಾರ್ಥನ ವಿನಾಶಗು ಸಲುವಾದ್, ಎನ್ನ ಹಿತಕ್ಕು ಸಲುವಾದ್ ಪ್ರೀತಿದ ಸಲುವಾದ್ ಈ ಕರ್ಣನ ಸಾರಥ್ಯನ್ ವಹಿಸೋಡ್. ಈ ಸಾರಥಿಯಾಂಡ ರಾಧೇಯೆ ಖಂಡಿತವಾದ್‌ಲಾ ಶತ್ರುಲೆನ್ ಜಯಿಸಾಪೆ. ವಾಸುದೇವ ಶ್ರೀಕೃಷ್ಣಗ್ ಸದೃಶನಾದ್ ಇಪ್ಪುನ ಈ ಒರಿಯೆ. ಬೇತೆ ಯೆರ್‌ಲಾ ಎನ್ನ ಪಕ್ಕಡ್ ಇದ್ಯೆರ್ “ಮದ್ರೇಶ! ಪೂರ್ವಡ್ ಸರ್ವ ಲೋಕ ಪಿತಾಮಹನಾಯಿನ ಭಗವಾನ್ ಬ್ರಹ್ಮಗ್ ರುದ್ರ ದೇವೆ ಸಾರಥ್ಯ ಮಾಳ್ತುದೆ. ಅವೆಡುದಾವರೆ ಈ ಕರ್ಣನ ಕುದುರೆಲೆನ್ ಯುದ್ಧೊಂಟ್ ನಿಯಂತ್ರಣ ಮಾಳ್ತು”. ಇಂಚ ಅನೇಕ ವಿಧಲೆಡ್ ದುರ್ಯೋಧನೆ ಪಾತೆರುನ್ ಕೆಂಡ್‌ದ್ ಸುಂಪ್ರೀತನಾಯಿನ ಶಲ್ಯ “ಮಾನಧನೇ! ಈ ಸೈನ್ಯದ ಅಗ್ರಭಾಗಡ್ ವುಂತ್‌ದ್

ಎನನ್ ದೇವಕಿನ ಮಗೆಯಾಯಿನ ಕೃಷ್ಣ ಡುಲಾ ವಿಶಿಷ್ಟ್ಯ-ಮೇಲು ಪಾತೆರುಡ್‌ದಾವರ ಯಾನ್ ಪ್ರಸನ್ನೆಯಾದ್ ರಾಧೇಯ-ಅರ್ಜುನನೊಟ್ಟುಗ್ ನಡೆಪ್ಪುನ ಯುದ್ಧೋಟ್ ಸಾರಧಿಯಾದ್ ಒಪ್ಪಿಗೆ ಕೊರ್ಪೆ. ಆಂಡ ಒಂಜಿ ಒಪ್ಪಂದದ ಮಿತ್ತ್ - ಕರ್ಣನ ಕೈತಲ್ ಯಾನ್ ಎಂಕ್ ಬೋಡಾಯಿ ಲೆಕ್ಕೊ ಪಾತೆರುಪೆ. ವುಂದೆಕ್ಕ್ ಆಕ್ಷೇಪ ಮಾಲ್ಪರ ಬಲ್ಲಿ. ಸರಿ ಕರ್ಣೆ ಶರತ್‌ಲೆಗ್ ಒತ್ತೊಂಣ್ಣೆ. ದುರ್ಯೋಧನೆ ಈ ಪಾತೆರೆನ್ ಕೆಂಡ್‌ದ್ ಸಂತೋಷವಾದ್ - ಕರ್ಣ! ಮಹೇಂದ್ರೆ ದಾನವೆರೆನ್ ಸಂಹಾರ ಮಾಳ್ತಿ ಲೆಕ್ಕೊ. ಮಾಂತ ಪಾರ್ಥರೆನ್ ಸಂಹಾರ ಮಾಳ್ತು”.

ಕರ್ಣ - ಶಲ್ಯರೆ ಸಂಭಾಷಣೆ

ಶಲ್ಯ ಕರ್ಣನ ಸಾರಥ್ಯನ್ ಅಂಗೀಕರಿಸಾಯಿನೆಡ್‌ದ್ ಬುಕ್ಕೊ ಕರ್ಣ ಸಂತೋಷಡ್ ರಥನ್ ಸಿದ್ಧ ಮಾಳ್ತುದ್. ಕರ್ಣ ಯಥಾವತ್ ಪೂಜೆ, ಪ್ರದಕ್ಷಿಣೆ, ಸೂರ್ಯೋಪಸ್ಥಾನ ಮಾಲ್ತು ಕೈತಲ್ ಇತ್ತಿನ ಮದ್ರ ರಾಜಗ್ ರಥಾರೋಹಣಗ್ ಪ್ರಾರ್ಥನೆ ಮಾಳ್ತೆ. ಕರ್ಣನ ಪಾತೆರ್‌ದಂಚಿ ಮಹಾತೇಜಸ್ವಿಯಾಯಿನ ಶಲ್ಯ ರಥಾರೂಢನಾಪೆ. ಅವೆಡ್‌ದ್ ಬುಕ್ಕೊ ಕರ್ಣ ರಥಟ್ಟು ಆಸೀನನಾದ್ ತನ್ನ ಘೋರವಾಯಿನ ಧನುಸ್ಸುನ್ ಧರಿಸಾಪೆ. ಕರ್ಣನ ತೇಜಸ್ಸು ಇತ್ತೆ ಮಂದರಾ ಪರ್ವತೊದ ಮಿತ್ತ್ ವುಪ್ಪಿನ ಸೂರ್ಯಲೆಕ್ಕೊ ಕಂಗೊಳಿಸಾಪೆ. ಪಾಂಡವರೊಟ್ಟುಗ್ ಯುದ್ಧ ಮಾಳ್ಪರ ಪಿದಾಡ್‌ನ ಮಹಾತೇಜಸ್ವಿಯಾಯಿನ ರಾಧೇಯ ಕರ್ಣಗ್ ದುರ್ಯೋಧನೆ ಇಂಚ ಶುಭ ಕೋರುಪೆ - “ವೀರಕರ್ಣ! ಇನಿತ್ತ ಯುದ್ಧೋಡ್ ಮಾಂತ ಧನುಷ್ಯಂತರ ಸಮಕ್ಷಮಡ್ ದ್ರೋಣ, ಭೀಷ್ಮರೀವೆರ್ ಮಾಣ್ಂದೆ ವುಪ್ಪುನ ಕಾರ್ಯನ್ ಈ ತೋಜ್‌ಪಾವಡ್. ಜಯವಾವಡ್, ಮಂಗಲವಾವಡ್ ಈ ಯುದ್ಧ ಭೂಮಿಗ್ ಪ್ರಯಾಣ ಮಾಲ್ತು ಪಾಂಡ್ ಪುತ್ರರೆನ್ ಭಸ್ಮಿ ಭೂತ ಮಾಳ್ತು ನಾಶ ಮಾಳ್ತು”. ಇಂಚ ದುರ್ಯೋಧನೆ ಪಂಡಿಲೆಕ್ಕೊನೆ ಕರ್ಣ ಶಲ್ಯಗ್ ಪಂಣ್ಣೆ - “ಧನಂಜಯ, ಭೀಮೆ, ನಕುಲ, ಸಹದೇವ ಅಂಚನೆ ಯುಧಿಷ್ಠಿರನ್ ಸಂಹಾರ ಮಾಳ್ಪರ ಸಾಧ್ಯ ವಾವುನಂಚ ಕುದುರೆಲೆನ್ ನಡಪ್ಪಾವು. ಇನಿ ಪಾಂಡವರೆ ವಿನಾಶಾರ್ಥವಾದ್‌ಲಾ, ದುರ್ಯೋಧನೆ ವಿಜಯಾರ್ಥವಾದ್‌ಲಾ ಎಡ್ಡೆ ಪರಿತವಾಯಿನ ಬಾಣಲೆನ್ ಪ್ರಯೋಗಸಾವೆ” - ವುಂದೆಕ್ಕ್ ಶಲ್ಯೆ - “ಸೂತಪುತ್ರ! ಪಾಂಡವರೆನ್ ಅಲಕ್ಷ ಮಾಳ್ಪಡೆ ಸರ್ವಾಸ್ತ್ರ ಸಂಪನ್ನೆರ್, ಮಹಾಬಲವಂತೆರ್, ಸತ್ಯ ವಿಕ್ರಮರಾಯಿನ ಅಕ್ಷೆನ್ ಕೀಳಾದ್ ತೂವೊಡ್ಡಿ. ಯುದ್ಧದ ಸ್ಥಳಟ್ಟು ಗುಡುಗು ಸೆಡ್ಲದ ಧ್ವನಿಕ್ಕು ಸಮಾನವಾಯಿನ ಗಾಂಧೀವ ಧನುಸ್ಸುದ ರೈಂಕಾರನ್ ಕೆಂಡ್‌ದ್ ಬುಕ್ಕೊ ಇಂಚ ಪಾತೆರ ಸಾಧ್ಯ ಇಜ್ಜಿ. ಭೀಮೆ ಯುದ್ಧೋಟ್ ಗಜಸೈನ್ಯದ ಮಧ್ಯೆ ನೂರ್‌ದ್ ಆನೆಲೆನ ದಂತಲೆನ್ ನರಿತ್ತುದ್ ಸಂಹಾರ ಮಾಲ್ತುನೆಡುದ್ ಬುಕ್ಕೊ ಇಂಚ ಪಾತೆರುಜ್ಜ. ಯುಧಿಷ್ಠಿರ, ನಕುಲ, ಸಹದೇವೆರ್ ನಿರಂತರವಾದ್ ಬಾಣಲೆನ್ ಪ್ರಯೋಗಿಸಾದ್ ಶತ್ರು ಸೈನ್ಯಲೆನ್ ನಾಶ ಮಾಳ್ಪಲೆನ್ ತೂಂಡ ಈ ಇಂಚ ಪಾತೆರ ಸಾಧ್ಯ ಇಜ್ಜಿ”. ಶಲ್ಯನ ಈ ಅಸಡ್ಡೆದ ಪಾತೆರಗ್ - ಕರ್ಣ ದುಂಬು ಪೊಯಿ - ಉತ್ತರೊ ಪಂಣ್ಣೆ.

ಮಹಾ ಧನುಷ್ಯಂತೆ ಕರ್ಣೇ ಯುದ್ಧ ಮಾಳ್ಪುನ ಇಚ್ಛೆಡ್ - ಯುದ್ಧೋ ಭೂಮಿಡ್ ರಥನ್ ವುಂತಾಯಿನ ತೂದ್ ಕೌರವ ಸೈನಿಕೆರ್ ಸಂತೋಷಡ್ ಜಯಕಾರ ಮಾಳ್ತೆರ್. ಶಂಖ, ದುಂದುಭಿ, ಭೇರಿ ಶಬ್ದಗ್, ಯೋಧೆರ್, ಕರ್ಣೆ ಪಿದಾಡುನಾಗ ಭೂಮಿ ನಡಗುಂಡು, ಉಲ್ಕಾಪಾತಲಾ ಆಂಡ್, ಮಾಂತ ದಿಕ್ಕುಡುಲಾ ಕಂಪನ, ಭಯಂಕರವಾಯಿನ ಚಂಡಮಾರುತ ಬೀಜರ ಪ್ರಾರಂಭೊ, ಮೃಗ ಪಕ್ಷಿ ಸಮೂಹಲು ಸೈನ್ಯಗ್ ಅಪ್ರದಕ್ಷಿಣೆ ಪಾಡುದ್ ಪೊಯೊ. ಇಂಚ ಅನೇಕೊ ಅಶುಭ ಸೂಚನೆಲು ತೋಜುಂಡ್. ಕರ್ಣಗ್ ವುಂದ್ ಮಾತ ತೃಣಕ್ಕು ಸಮಾನ. ವುಂದೆಕ್ಕು ಮಾಂತ ಪೊಡಿಪ್ಪುನಾಯಿನೆ ಕರ್ಣೆ ಅತಿರಥ ವೀರರೆನ್ ಸೇರುಸಾದ್ ಇಂಚ ಹುರಿದುಂಬಿಸಾಪೆ “ನೊಂದ್ನಾಕ್ಲ ವುಂತ್ರಿ, ಸ್ವಾಮಿಕಾರ್ಯಗ್ ಪಿರ ಬೂರಿನಾಕ್ಲ, ಪಿರ ಬಲಿತ್ನಾಕ್ಲ ವುಂತುಲೆ, ಸುಭಟೆರ್ ಬಲೆ, ಸ್ವರ್ಗೊದ ಬಂಧಿಕಾರೆರ್ ಬಲೆ” ಇಂಚ ಹೇಡಿಲೆಗುಲಾ ರಣಸಾಹಸಿಲೆಗಾಲಾ ವುಪ್ಪುನ ಕರ್ತವ್ಯ ಭೇದಲೆನ್ ಸ್ಪಷ್ಟ ಮಾಲ್ತೆ” ಶಲ್ಯೆ. ಈ ಸಂದರ್ಭಡ್ ಅರ್ಜುನನ್ ಪುಗರುನಾಗ ಕರ್ಣೆ ಆಯಗ್ ಈ ಅರ್ಜುನನ ಪಕ್ಷ ಯೆನ್ ಮುನಿತ್ತಂಡ ಕೋಟಿ ಕೃಷ್ಣಾರ್ಜುನರೆ ಪಡೆಯೊಂಚ್ಚೆ. ಇಂಚ ತನ್ನೊ ಪರಾಕ್ರಮಲೆನ್ ಕೊಚ್ಚೊಂಚ್ಚೆ. ಈ ಸಂದರ್ಭಡ್ ಪರಶುರಾಮೆರ್ ಕೋರಿನ ಶಾಪದ ನೆನಪ್ ಬೈದ್ ಎನ್ನ ಅಸ್ತ್ರಲು ನಿರರ್ಥಕ ವಾಪುಂಡೆ? ತನ್ನ ಮನಸ್ಸುದ ಸಂದೇಹಲೆನ್ ವ್ಯಕ್ತ ಪಡಿಸಾಪೆ. ಆ ಪೂರ್ತಗ್ ಕೌರವೆ ಕಲಹಗ್ ಅವಕಾಶ ಕೊರಂದೆ ಶಲ್ಯ ರಾಜನ್ಸಮಾಧಾನ ಮಾಳ್ತಾ ಅಕ್ಲೆನ್ ಯುದ್ಧ ಭೂಮಿಗ್ ಕಡಪ್ಪುಡುವೆ.

ಮಹಾಭಾರತೊ ಯುದ್ಧಡ್ ಧರ್ಮರಾಯೆ ಕರ್ಣೆ ಎದುರಾಯಿನ ಪ್ರಸಂಗ ಭಾರತ ಯುದ್ಧೋಡ್ ರಸಸ್ಥಾನಲೆಡ್ ಒಂಚಿ. ಕರ್ಣ ಬಾಣ ಧರ್ಮರಾಯನ ತಿಗಲೆಡ್ ಭೇದಿಸಾದ್ ಬೆರಿಟ್ಪ ತೋಚಿಂಡ್. ವುಂದೆನ್ ಕೇಂಡ್ನ ಭೀಮ ಕೋಪೊಡ್ ಗದ್ದೆ ಬೀಜಾದ್ ಕರ್ಣನ್ ನೆಲಕ್ಕಪ್ಪಳಿಸಾವೆ. ಮೂರ್ಛೆ ಪೋಪೆ. ಕರ್ಣ ಮಂತ್ರೋಷಧಿಲೆ ಸಹಾಯಡ್ ಎಚ್ಚರವಾದ್ ಪಿರ ಯುದ್ಧಗ್ ಶುರು ಮಾಳ್ಚೆ.

ವುಂದೆನ್ ತೆರಿದ್ ಆ ಸಂದರ್ಭಡ್ ಉಪಕಾರಗ್ ಬೈದಿನ ಪಾರ್ಥೆ. ಭೀಮಗ್ ಇಂಚ ಪಂಣ್ಣೆ. ಈ ಶೀಘ್ರೋಪೊ ರಾಜ ಧರ್ಮರಾಯನು ಸಮಾಧಾನ ಮಾಳ್ಚು. ಯಾನ್ ಕರ್ಣನೊಟ್ಟುಗ್ ಯುದ್ಧ ಮಾಳ್ಚೆ. “ಈ ಪಾತೆರ ಭೀಮನ ಮನಸ್ಸಗ್ ಸರಿ ತೋಜಂದೆ ಕೋಪಾಗ್ಗಿಗ್ ನೈಯಿ ಮಯಿತ್ತಿ ಲೆಕ್ಕೊ ಆಂಡ್”. ಕೋಪಡ್ - “ಧನಂಜಯ-ಈ ಮಲ್ಲ ಬಿಸೆ. ಒರಿನಾಕ್ಲ ರಣಹೇಡಿಲು” ಇಂಚ ದೂರ್ದ್ ನೈಪೆ ಧರ್ಮರಾಯನ್ ಸಮಾಧಾನ ಮಾಳ್ಚನ ಕಾರ್ಯಗ್ ಅರ್ಜುನೆ ಪೋವಡ್. ಅಂಚನೆ ಅರ್ಜುನೆ ಧರ್ಮರಾಯನ ಕೈತಲ್ ಪೋದ್ ಸಮಾಧಾನಡ್ ಪಾತೆರ್ ನಗ - ಧರ್ಮರಾಯೆ ಅರ್ಜುನನೆ ಮಿತ್ತ್ ಕೋಪಡ್ ಬಿಲ್ಲುನ್ ಇಂಚ ಅವಮಾನ ಮಾಂಣ್ಣೆ. ‘ಗಾಂಧೀವ ಧನುಸ್ಸನ್ನು ಶ್ರೀಹರಿಗ್ ಕೊರು. ಈ ಸಾರಥಿಯಾಲ ಆಂದ್ ಪಣ್ಣೆ. ನಿಷ್ಕಾರಣವಾದ್ ಪಲೆ ಎನನ್ ತಿರಸ್ಕಾರ ಮಾಳ್ತಿನಾವರ ಅರ್ಜುನಗು ದಿಂಜ ಅಸಮಾಧಾನವಾದ್ ಕೋಪಡ್ ಕೈ ಕತ್ತಿದ ಮಿತ್ತ್ ಪೋಯಿನ ತೂದ್

ಕೃಷ್ಣೆ ತಿಳಿ ಪಂಡ್‌ದ್ ಶಾಂತರಾಯೆರ್. ಅರ್ಜುನೆ ಅಣ್ಣನ ಕಾರ್‌ಗ್ ನಮಸ್ಕಾರ ಮಾಳ್ತುವೆ. ಅಣ್ಣ! ಇತ್ತನೇ ಪೋದ್ ರಾಧೇಯ ಕರ್ಣನ್ ಎದುರಿಸಾದ್ ಸಂಹಾರ ಮಾಲ್ತು ಬರುಪ್ಪೆ. ನಿನ್ನ ಪಾದೋಡಾಣೆ ಕರ್ಣನ್ ಸಂಹಾರ ಮಾಳ್ತಂದೆ ರಣರಂಗಡುದ್ ಪಿರ ಬರುಪ್ಪುಜ್ಜಿ". ಕೃಷ್ಣೆಲಾ ಅರ್ಜುನೆಲಾ ರಣರಂಗದಂಚಿ ಪಿದಾಡಿಯೆರ್. ಕರ್ಣೆ ಧರ್ಮರಾಜ, ಭೀಮ, ನಕುಲ, ಸಹದೇವೆ ಸೋಲಿಸಾದ್ ಕುಂತಿ ಮಾತೆಗ್ ಕೊರ್ದ ಪಾತೆರುದ ಲೆಕ್ಕೊ ಅಕ್ಲೆನ್ ಕೆರಂದೆ ಅಂಚನೆ ಬೂಡ್ಲೆ. ಅರ್ಜುನನ್ ಕೆರಿಯರ ಸಲುವಾದ್ ಪರಶುರಾಮೆರ್ ಶಕ್ತ್ಯಾಯುಧನು ಅನಿವಾರ್ಯವಾದ್ ಭೀಮನ ಮಗೆ ಘೋರ ಪರಾಕ್ರಮಿ ಘಟೋತ್ಕಚಿ ಮಿತ್ತ್ ಪ್ರಯೋಗಿಸಾದ್ ಘಟೋತ್ಕಚಿ ಮರಣನು ಪಡೆಯೊಂಡೆ. ಅಂಚನೆ ಪರಶುರಾಮೆರೆ ಕೈತಲ್ ಪಡೆಯೊಂಜಿ ಭಾರ್ಗವಾಸ್ತ್ರ, ಅಥರ್ವಣಾಸ್ತ್ರ ಪ್ರಯೋಗಿಸಾದ್ ಅಸಂಖ್ಯಾತ ಪಾಂಡ್ ಪಾಂಚಾಲ ಸೈನಿಕರೆನ್ ಕರ್ಣೆ ಯಮಲೋಕಗ್ ಸಾದಿ ತೋಜಾಪೆ. ಭೀಮೆ, ದುಶ್ಯಾಸನೆರ ಯುದ್ಧಡ್ ಭೀಮೆ ದುಶ್ಯಾಸನೆನ ತಿಗಲೆನ್ ಬಗಿದು ಬಿಸಿ ನೆತ್ತರೆನ್ ಚಪ್ಪರಿಸಾದ್ ಪರ್ಪೆ. ಅವಂಡಲಾ 'ಪೆರು, ಕೊಜಪ್, ಕಂಬುದ ರಸ, ಚಿಯದ ನೈಯಿ, ಅಪ್ಪೆನ ಮಿರೆತ್ತ ಪೆರುಡುದಲಾ ದುಶ್ಯಾಸನ ನೆತ್ತೆರ್ ರುಚಿ" ಇಂಚ ಪಂಡ್‌ದ್ ಸಂತೋಷಡ್ ಪಾನ ಮಾಳ್ತುವೆ. ವೃಂದೆನ್ ತೂದ್ ಸೈನಿಕೆರ್ ಭೀಮೆ ನರಮಾನಿ ಆತ್ಮ ಪೊಡಿತ್ತ್‌ದ್ ಬಲಿತ್ತೆರ್. ಒಂತೆ ಸಮಯದ ಬುಕ್ಕೊ ದುಶ್ಯಾಸನೆ ಮ್ಯಗೈ ನಾಕ್ಲು, ಅಲಂಬು, ಜರಾಸಂಧನಾಕ್ಲು ಭೀಮನು ಎದುರುಗ್ ಬಾಣ ಪ್ರಯೋಗ ಮಾಲ್ತೆರ್. ಆ ಒಂಭೊ ಜನರೆನ್ ಒಂಭರ್ ಬಾಣಲೆಡ್ ಸಂಹಾರ ಮಾಳ್ತುವೆ. ಆ ಪೂರ್ತ್‌ಗ್ ಕರ್ಣನ ಮಗೆ ವೃಷಸೇನೆ ಯುದ್ಧಗಾದ್ ಭೀಮನ್ ಎದುರ್‌ಸಾಪೆ. ವೃಂದೆನ್ ತೂದ್ ಅರ್ಜುನೆ ವೃಷಸೇನೆನ್ ಪತ್ತು ಬಾಣಲೆಡ್ ಬಿಲ್ಲುನ್, ತೋಳುಲೆನ್, ತರೆನ್‌ಲಾ ಕತ್ತರಿತ್ತ್‌ದ್ ಪಾಡ್ಪ್ ವೃಂದೆನ್ ಕರ್ಣೆ ತನಕ್ ಬತ್ತಿನ ಪುತ್ರ ಶೋಕನ್ ತಡೆಯೊಂದ್ ಅರ್ಜುನನ್ ಯುದ್ಧೋಗ್ ಆಹ್ವಾನ ಮಾಳ್ತುವೆ.

ಕರ್ಣಾರ್ಜುನೆರೆ ಯುದ್ಧೋ

ಕರ್ಣಾರ್ಜುನೆರೆ ಯುದ್ಧೋ ಈ ಗ್ರಂಥದ ಮೂಲವಸ್ತು. ಶ್ವೇತಾಶ್ವ, ಶಲ್ಯ ಸಾರಥಿಯಾದ್ ಇಪ್ಪುನ ಕರ್ಣನ ರಥೋ ಅರ್ಜುನೆ ಇತ್ತು ನಾಡೆ ಬರೊದುಂಡ್. ತನ್ನ ಸಮಕ್ಷಮಡ್ ಅರ್ಜುನೆನ ಕೈಡ್‌ದ್ ಮಗೆ ವೃಷಸೇನೆ ಹತವಾಯಿನ ತೂದ್ ಕೋಪೊ. ಶೋಕಡ್ ಪರಿತನಾದ್, ಪುತ್ರ ಶೋಕಡ್, ರಡ್ಡ್ ಕಣ್ಣುಡ್‌ಲಾ ಧಾರಾಕಾರವಾದ್ ನೀರ್ ಬೈದಿಂಡ್. ತೇಜಸ್ವಿಯಾಯಿನ ಕರ್ಣೆ ಕೋಪಡ್ ಆ ಧನಂಜಯೆನ್ ಯುದ್ಧೋಗ್ ಆಹ್ವಾನ ಮಾಳ್ತಾದ್, ಶತ್ರುಗ್ ಅಭಿಮುಖವಾದ್ ರಥನ್ ಸ್ಥಾಪನೆ ಮಾಳ್ತೆ. ಕರ್ಣಾರ್ಜುನೆರೆ ಆ ರಡ್ಡ್ ರಥಲಾ ಸೂರ್ಯ ಸದೃಶವಾದ್ ಅಕ್ಲುಲಾ ಸೂರ್ಯೆರೆಕ್ಕೊ ತೋಜ್‌ದಿಂತೆರ್. ಕಾರ್ತೀವೀರ್ಯಾರ್ಜುನೆ, ದಶರಥನ ಮಗೆ ಶ್ರೀರಾಮಚಂದ್ರೆ, ಸಾಕ್ಷಾತ್ ಶಂಕರರೆಗ್ ಸಮಾನೆರ್. ವೀರ್ಯಡ್ ವಿಷ್ಣು ಸಮಾನೆರ್. ಈ ಸಂಘರ್ಷನ್ ದೇವ, ದಾನವ, ಗಂಧರ್ವ, ಅಸುರೆರ್

ಒಂಜೊಂಜಿ ಪಕ್ಷಗ್ ಸೇರೊಂಡೆರ್.

ಅವೆಟ್ಟು ಪ್ಪುನ ರಧಿಕರೂ ಅಕ್ಲೆನ ಸಾರಥಿಲು ಶಂಖಿ ಧ್ವನಿ ಮಾಳ್ತೆರ್. ಯುದ್ಧೊ ಪ್ರಾರಂಭವಾದ್ ಕರ್ಣಾರ್ಜುನೇರ್ ಪರಸ್ಪರವಾದ್ ಶಸ್ತ್ರಾಸ್ತ್ರ ಪ್ರಹರ ಮಾಳ್ಬರ ಘೋರ ಸ್ವರೂಪಡ್ ಯುದ್ಧೊ ಪ್ರಾರಂಭೊವಾಂಡ್. ಕರ್ಣೆ ಅರ್ಜುನನ ಮಿತ್ತ್ ಬಾಣ ಪ್ರಯೋಗ ಮಾಳ್ತುನಾಗ ಅರ್ಜುನನ ರಥೊ ಒಂಜಿ ಬಿಲ್ಲುದಾತ್ ಪಿರ ಪೊಂಡ್. ವೃಂದೆನ್ ತೂದ್ ಕೃಷ್ಣೆ ಕರ್ಣನ್ ಪುಗರುಪೆ. ಯಾನ್ ಕರ್ಣನ ರಥನ್ ಒಂಜಿ ಯೋಜನೆ ದೂರ ತಿರುಗಾಯಿನೆಕ್ಕ್ ಮನಿಪಂದೆ ಕುಳ್ಳಿನ ಕೃಷ್ಣೆ ಇತ್ತೆ ಕರ್ಣನ್ ಪುಗರ್ನ ಕೆಂಡ್ ಅರ್ಜುನಗ್ ಅವಮಾನ ವಾಪುಂಡ್. ಅರ್ಜುನ ತನ್ನೊ ಬಿಲ್ಲು, ಬಾಣಲೆನ್ ತಿರ್ತ್ ದಿಪೆ. ಅಪಗ ಕೃಷ್ಣೆ ಆಯನ್ ಸಮಾಧಾನ ಮಾಳ್ತು. “ಬಂಜಿನಾಳೆನ ಬಂಜಿದುಳಾಯಿ ಬ್ರಹ್ಮಾಂಡಕೋಟಿದೊಟ್ಟುಗ್ ಏನ್ಲಾ ಸಹ ಉಳ್ಳೆ ಮಿತ್ತ್ ಪೋಪಾನ ಪತಾಕೆಡ್ ಇಪ್ಪುನ ಹನುಮಂತೆ ಸಹಿತೋ; ಈ ದಿವ್ಯ ಅಶ್ವಲೆನ್ ಸಹಿತೋ ಪಿರ ಪೋಯಿನ ಕರ್ಣನ ಸಾಹಸ ಮೇಲತ್ತೆ”. ಕೃಷ್ಣನ ಈ ಪಾತೆರನ್ ಕೇಂಡ್ ಅರ್ಜುನಗ್ ಸಮಾಧಾನವಾದ್ ಪಿರ ಯುದ್ಧೊ ಮುಂದುವರಿಸಾಪೆ. ಕರ್ಣಾರ್ಜುನೇ ಅಸ್ತ್ರ ಪ್ರತ್ಯಸ್ತ್ರಲೆ ಬರ್ಸನೆ ಆಂಡ್. ಕರ್ಣಗ್ ಪರಶುರಾಮೆರ್ ಉಪದಿಷ್ಟವಾದ್ ತಿಕ್ಕುನ ಅನೇಕ ಅಸ್ತ್ರಲೆನ್ ಪ್ರಯೋಗಸಾದ್ ಅಸಂಖ್ಯಾತೋ ಸೈನಿಕೆರ್ನ್ ಸಂಹಾರ ಮಾಳ್ಪೆ. ಭಾರಿ ನಷ್ಟೊ ಸಂಭವಿಸಾಂಡ್. ಕೃಷ್ಣೆ ಅರ್ಜುನಗ್ ಈಶ್ವರನೊಟ್ಟುಗ್ ಪೂರ್ವಡ್ ಯುದ್ಧೊ ಮಾಳ್ತಾದ್ ಆ ಈಶ್ವರನ ಮನಸ್ಸುನ್ ಗೆಂದೆನೊ, ಅಂಚನೆ ಶೌರ್ಯೋಡ್ ಇತ್ತೆ ಯುದ್ಧ ಮಾಳ್ತು ಕರ್ಣನ್ ಕೆರು” ವೃಂದೆನ್ ಕೆಂಡ್ - ಅರ್ಜುನ! ಬ್ರಹ್ಮಾಸ್ತ್ರನ್ ಅಭಿಮಂತ್ರಿತ್ ಕರ್ಣಗ್ ಪ್ರಯೋಗಿಸಾಪೆ. ಅವೆನ್ ಕರ್ಣೆ ತನ್ನೊ ದಿವ್ಯಾಸ್ತ್ರಡ್ ತಡೆದ್ ವೃಂತಾಪೆ. ಇಂಚ ಬಾಣಲೆಡ್ ರಣರಂಗೊನೆ ದಿಂಜ್ ಅಂಡ್. ಕಡೆಗ್ ಅರ್ಜುನಗಾದ್ ಕಾದಿರಿಸಾಯಿನ ಮಹಾಸರ್ಪಾಸ್ತ್ರನ್ ದೆತ್ತಾದ್ ಪ್ರಯೋಗಸಾಪೆ. ಅವೆನ ತೇಜಸ್ಸು ಅದ್ಭುತೊ. ಆ ಬಾಣದ ಗುರಿ ಕೋಪಾ ವೇಷಡ್ ಒಂತೆ ತಗ್ಗು ದಿತ್ತುಂಡ್. ಅವೆನ್ ತೂದ್ ಶಲ್ಯೆ “ಕರ್ಣ! ಇಂದೆನ್ ಅರ್ಜುನನ ಕೆಕ್ಕಿಲೆಗ್ ಸರಿಯಾದ್ ಗುರಿ ದೀತಿಚ್ಚಾ. ಬುಕ್ಕೊ ತೂದ್ ಗುರಿ ಮಾಳ್ತು ಶಲ್ಯನ ಈ ಪಾತೆರ ಕರ್ಣಗ್ ಸರಿಪೋತಿಚ್ಚಿ. “ಈ ಕರ್ಣೆ ರಡ್ ಭಾರಿ ಗುರಿದೀತ್ ಬಾಣ ಸಂಧಾನ ಮಾಳ್ತಾಯೆ. ಮದ್ರಾಜ ಪಂಡ್ ಅಂಚನೆ ಪ್ರಯೋಗಸಾಪೆ ಆ ಬಾಣೊ ಪೊತ್ತೆನ ಸೂತ್ತ ಚೆಂಡ್ ಲೆಕ್ಕೊ ಅಂತರಿಕ್ಷಡ್ ಬರೊಂದಿಪ್ಪುನೆಯಿನ್ ತೂದ್ ಕೃಷ್ಣೆ ರಥನ್ ತನ್ನೊ ಕಾರ್ಡ ಹೆಚ್ಚೆಡ್ ಒತ್ತುದ್ ಅವೆನ್ ಐನ್ ಅಂಗುಲ ತಿರ್ತ್ ತಗ್ಗುಸಾಪೆ. ಅರ್ಜುನನ ಮಹಾರಥದ ಚಕ್ರಲು ನೆಲಟ್ಟು ತಾರುದ್ ಪೊಂಡ್. ರಥಕ್ಕು ಕಟ್ಟಿನ ಕುದುರೆಲು ಮೊಂಡು ಮಾಳ್ತು ಕುಳ್ಳುಂಡ್. ಉರಗಾಸ್ತ್ರ ಅರ್ಜುನನ ಕಿರೀಟಗ್ ತಾಗ್ ಅರ್ಜುನ ಬೂರ್ಪಾದ್ ಕರ್ಣನ ಕೈತಲ್ ಪಿರಪೊಂಡ್. ಧನಂಜಯೆನೆ ಈ ಕಿರೀಟ ಪ್ರಸಿದ್ಧವಾಯಿನವು. ಬ್ರಹ್ಮ ಇಂದ್ರಗ್ ಕೊರುನವು. ದೇವ ಶತ್ರುವಾಯಿನ ದೈತ್ಯರೆನ್ ಸಂಹಾರ ಮಾಲ್ಬರ ಅರ್ಜುನ ಪಿದಾಡುನಾಗ ಇಂದ್ರೆ ಈ ಕಿರೀಟನ್ ಅರ್ಜುನಗ್ ಕೊರಿಯೆ. ವೃಂದೆಡ್ ಅರ್ಜುನ

ವ್ಯಥೆ ಪಡೆದ ತನ್ನ ತರೆ ಕೂಜೆಲೆನ್ ಒಟ್ಟು ಗೂಡಿಸಾದ್ ಕಟ್ಟುದ್ ಯುದ್ಲೊಗ್ ಸಿದ್ಲಾಪೆ. ಅರ್ಜುನನ್ ಕೆರೆಂದೆ ಪಿರಬೈದಿನ ಸರ್ಪಾಸ್ತ್ರ ಕರ್ಣನ ಕೈತಲ್ ಬತ್ತುದ್ ಪಿರ ಯೆನನ್ ಪ್ರಯೋಗ ಮಾಳ್ವರ ಪ್ರಾರ್ಥನೆ ಮಾಳ್ತುಂಡ್. ಕರ್ಣ ಸರ್ಪಾಸ್ತ್ರದ ವಿಚಿತ್ರ ವರ್ತನೆಗ್ ಆಶ್ಚರ್ಯವಾದ್ ಅವೆತ್ತ ಕಥೆನ್ ಕೆಂಡುದ್ ಕರ್ಣ ಒರ ಪ್ರಯೋಗೊ ಮಲ್ತಿನ ಬಾಣನ್ ಪಿರ ಪಡೆಯರ ಸಾಧ್ಯ ಇಜ್ಜಿ. ಇಂಚ ಪಿರ ಸ್ವಷ್ಟವಾದ್ ಪಂಣ್ಣೆ. ಈ ಸಂದರ್ಭೊಡ್ ಸಾರಥಿಯಾಯೆನ ಶಲ್ಯೆ ರಾಜೆಲಾ - ಈ ಬುದ್ಧಿವಾದೊ ವ್ಯರ್ಥ ಪಂಡ್‌ದಾನಾಗ ಶಲ್ಯೆ ತನ್ನೊ ವಾಘೆನ್ ಡಕ್ಕುದ್ ರಥಡ್‌ದ್ ಜತ್ತುದ್ ಪಿದಾಡುದ್‌ಪೋಪೆ. ಈ ಸರ್ಪಾಸ್ತ್ರ ಅರ್ಜುನನ ಮಿತ್ತ್‌ದ ಕೋಪಡ್, ರಭಸಡ್ ಆಯನ್ ಮಿತ್ತ್ ಪೊಂಡ್. ಆಂಡ ಅರ್ಜುನ ಕ್ಷಣ ಮಾತ್ರಡ್ ಆ ಸರ್ಪಾಸ್ತ್ರನ್ ಛಿದ್ರಿಡ್ಲಿ ಮಾಳ್ತುವೆ.

ಕುರುಕ್ಷೇತ್ರಡ್ ಕರ್ಣಾರ್ಜುನರೆ ಯುದ್ಲೊ ಮುಂದುವರಿಪ್ಪುಂಡ್. ಯೋಧೆರ್, ಕುದುರೆಲ್, ಆನೆಲ್, ರಥಿಕೆರ್, ಪದಾತಿಲೆನ್ ಕರ್ಣ ಸಂಹರಿಪ್ಪುವೆ. ಕಾಡುಟ್ ಮೈಗಲೆನ ಮಧ್ಯೆಡೊ ಮೈಗರಾಜೆ ಸಿಂಹವು ಎಂಚ ನಿರ್ಭೀತಿಡ್ ಪೋಪುಂಡಾ ಅಂಚನೆ ಕರ್ಣ ಪಾಂಚಾಲ ಸೈನಿಕರೆ ಮಧ್ಯೆ ಪೊಡಿಗನೆ ಇದ್ಯಂದೆ ನಿರ್ಭಯಡು ಪೋಪೆ. ಕರ್ಣ ಪತ್ತು ಬಾಣಲೆನ್ ಒಟ್ಟು ಗೂಡಿಸಾದ್ ಅರ್ಜುನಗ್ ಪ್ರಯೋಗಸಾವೆ ಆಜಿ ಬಾಣಲೆನ್ ಶ್ರೀಕೃಷ್ಣನ ಮಿತ್ತ್ ಪ್ರಯೋಗಿಸಾವೆ. ವಂದೆಕ್ಕೊ ಸಮನಾದ್ ಅರ್ಜುನ ಸರ್ಪ, ಅಗ್ನಿ, ವಿಷಲೆಗ್ ಸಮಾನವಾಯಿನ ಅಸ್ತ್ರವೊಂಚಿ ಕರ್ಣನ ಮಿತ್ತ್ ಪ್ರಯೋಗಗಾದ್ ತಯಾರಾಪೆ. ಆ ಸಮಯಗ್ ಸರಿಯಾದ್ ಕರ್ಣನ ಅಂತ್ಯಕಾಲ ಮುಟ್ಟು ಬತ್ತಂಡ್ ಪಂಣ್ಣೆ ಸೂಚನೆ - ಪೂರ್ವಡ್ ಬ್ರಾಣೆನ ಶಾಪದಂಚಿ ಕರ್ಣನ ರಥತ್ತ ಚಕ್ರೊ ಭೂಮಿಡ್ ತಾರುಂಡ್. ರಥೊ ಗಿರ-ಗಿರನೆ ತಿರುಗುದ್ ಭೂಮಿಡ್ ತಾರಿ ಲೆಕ್ಕೊನೆ ಆಚಾರ್ಯ ಪರಶುರಾಮರೆಡ್‌ದ್ ಉಪದೇಶ ಪಡೆಯೊಂದಿತ್ತಿನ ಮಹಾಭಾರ್ಗವಾಸ್ತ್ರಲಾ ಕರ್ಣಗ್ ನೆನಪ್ ಬರೆಂದೆ ಪೊಂಡ್. ರಥೊತ್ತ ಎಡಭಾಗದ ಚಕ್ರೊ ಭೂಮಿಡ್ ಕಂತ್‌ದ್ ಪುರಳುಂಡ್ ಕುದುರೆಲ್ ಮುಗ್ಗುರಿಸಾಯೊ. ಇಂಚ ಒಂಚಿ ಸಮನಾದ್ ಕಷ್ಟಲ್ ಬತ್ತುನೆಯಿನ್ ತೂದ್ ಧರ್ಮ ತತ್ತ್ವಲೆನ್ ನಿಂದಿಸಾವೆ. “ಧರ್ಮೋ ರಕ್ಷತಿ ರಕ್ಷಿತ” ಪಂಡ್‌ದ್ ವಿದ್ವಾಂಸರೆ ಪನ್ನೆರ್. ಇತ್ಲೆಟಾ ಶಕ್ತಿ ಯಿತ್ನಾತ್ ಧರ್ಮನ್ ರಕ್ಷಿಸೊಂದ್ ಬೈದೆ. ಈ ಪೂರ್ತ್‌ಗ್ ಧರ್ಮ ಎನನ್ ಬುಡಿಲೆಕ್ಕೊ ತೋಜುಂಡು. ಎಡ್ಲೆ ಸಮಯಡ್ ಧರ್ಮ ಧರ್ಮಸೇವೆಕೆರೆನ್ ರಕ್ಷಿಸಾವುಜ್ಜಿ. ಮಾಂತಾ ಸಮಯಡ್‌ಲಾ ಧರ್ಮ ಧರ್ಮನ್ ಆಚರಣೆ ಮಾಳ್ತುನಾಕ್ಕೆನ್ ರಕ್ಷಿಸಾವೊಂದ್ ಬಪ್ಪುಜ್ಜಿ. ಕರ್ಣ ಇಂಚ ಪಂಡಿಲೆಕ್ಕೊನೆ ರಥತ್ತ ಕುದುರೆಲು ಕಂಗಾಲಾಯ ಕರ್ಣ ಆ ಸಮಯಡ್ ರಥಡ್‌ದ್ ತಿರ್ತ್ ಜತ್ತದ್ ರಥದ ಚಕ್ರಲೆನ್ ತನ್ನೊ ತೋಳುಲೆಡ್ ಬಲ ಪೂರ್ವಕವಾದ್ ದೆರ್ಪರ ಪ್ರಯತ್ನ ಮಾಳ್ಚಿ. ಆಂಡ ರಥೊ ನಾಲೂ ಅಂಗುಲದಾತ್ ಮಾತ್ರೊ ಮಿತ್ತ್ ಬೈದಿಂಡ್. ಕರ್ಣ ಅರ್ಜುನಡೆ ಇಂಚ ನಟ್ಟೊಣ್ಣೆ - “ಅರ್ಜುನ! ದುರದೃಷ್ಟವಶಾತ್ ಎನ್ನ ರಥತ್ತೊ ಎಡಭಾಗದೊ ಚಕ್ರಲು ಭೂಮಿಡ್ ತಾರುದುಂಡ್. ಯಾನ್ ಇತ್ತೆ ವುಪ್ಪಿನ ಸ್ಥಿತಿನ ಯೋಚನೆ ಮಾಳ್ತು. ಈ

ಸಮಯಡ್ ಎನ್ನ ಮಿತ್ತ್ ಬಾಣ ಪ್ರಯೋಗ ಮಾಳ್ತಡ. ಅಂಚ ಮಾಳ್ತುನ ಹೇಡಿಲೆನ ಮಾರ್ಗೊ. ಇತ್ತೆ ಈ ಮಾರ್ಗೊನ್ ಅನುಕರಣೆ ಮಾಳ್ತುಜ್ಜಿ ಪಣ್ಣಿ ನಂಬಿಕೆ ಎಂಕ್ ಉಂಡ್. ಪೊಡಿಗೇಡ್ ತರೆತ್ತ ಕೂಜಲ್ ಬಿಚ್ಚಿನಾಯೆ, ಬೆರಿ ಪಾಡುದ್ ಯುದ್ಧೊ ಭೂಮಿಡ್ ಬಲಿತ್ನನಾಯೆ, ಕೈ ಮುಗಿದ್ ಶರಣಾಗತೆಯಾಯಿನಾಯೆ, ಆಯುಧಲೆನ್ ತಿರ್ತ್ ದಿಯಿನಾಯೆ, ಪ್ರಾಣಭಿಕ್ಷೆ ಬೇಡೊಂದಿತ್ತಿನಾಯೆ, ಕವಚಲೆನ್ ಬಾಣಲೆನ್ ಕಳೆಯೊಂತಿನಾಯೆನ್, ಸಾಧುವ್ರತೊಟ್ಟು ಪುಪ್ಪುನಾಯನ್, ಶಸ್ತ್ರಲೆಡ್ ನಾಶಮಾಂಣ್ಣುಜ್ಜೆರ್ ಅರ್ಜುನ! ಕ್ಷತ್ರಿಯ ವೀರ, ಧರ್ಮಾತ್ಮೆ ನಿನ್ನೊ ಕೀರ್ತಿನ್ ಒರಿಪ್ಪಾವು”.

ಕರ್ಣ ಅವಸಾನೊ

ಅರ್ಜುನಗ್ ಕರ್ಣ ಪಂಡಿನ ಪಾತೆರನ್ ಶ್ರೀಕೃಷ್ಣ ಕೆಂಡುದ್ ಕರ್ಣಗ್ ಇಂಚ ಪಂಣೆ - “ಕರ್ಣ! ಅದೃಷ್ಟದಾವರ ನಿಕ್ಕು ಇತ್ತೆ ಧರ್ಮದ ನೆನಪು ಬೈದುಂಡ್. ಧರ್ಮನು ದಾಯೆ ದೂರುಪಾ? ದುರ್ಯೋಧನೆ ಒಟ್ಟುಗ್ ಸೇರುದ್ ನಿಕ್ಕು ಮಾಂತ ಮಾಳ್ತಿನ ಅನ್ಯಾಯ ಒಂಚೆ ರಡ್ಡೇ? ನೆನಪು ಮಾಳ್ತು. ದುರ್ಯೋಧನೆ, ದುಶ್ಯಾಸನೆ, ಶಕುನಿ, ಈ ಮಾಂತರಾ ಸೇರುದ್ ರಾಣಿ ದ್ರೌಪದಿಗ್ ದಿಂಜಿನ ಸಭೆಟ್ಟು ಸೀರೆನ್ ಒಯ್ತು ಅವಮಾನೊ ಮಾಳ್ತರ್. ಆ ಪೂರ್ತಗ್ ನಿನ್ನ ಧರ್ಮ ಪ್ರಜ್ಞೆ ವೊಡೆಪೊದಿತ್ತುಂಡ್? ಧರ್ಮರಾಜಗ್ ಮೋಸದ ಪಗಡೆಯಾಟಡ್ ಸೋಲ್ವಾದ್ ರಾಜ್ಯಲೆನ್ ಪಡೆಯೊಂಡ್, ಪದಿಮೂಜಿ ವರ್ಷಲೆಡ್ ಬುಕ್ಕೊ ಪಂಡಿಪಾತೆರದಂಚಿ ವನವಾಸ ಮುಗಿತ್ತ್ ಬತ್ತಿ ಬುಕ್ಕಲಾ ರಾಜ್ಯೊ ಕೊರಿಯರ ಪೊಪ್ಪಂದೆ ನಿಕ್ಕು ಎಂಚ ಧರ್ಮನ್ ಆಚರಣೆ ಮಾಳ್ತುವಾರ್? ಪಾಂಡವರೆನ್ ಅರಗುದ ಇಲ್ಲಗ್ ಕಡಪ್ಪುಡುದ್ ‘ಸೂ’ ಕೊರಾದ್ ಮೋಸಡ್ ಕೆರಿಯರ ಪ್ರಯತ್ನ ಮಾಳ್ತರ್, ಭೀಮಸೇನೆಗ್ ವಿಷೊ ಕೊರಿಯರ್, ನಿಕ್ಕು ಮಾಂತರಾ ಸೇರೊಂಡ್ ಬಾಲೆ ಅಭಿಮನ್ಯು ಯುದ್ಧೊಡ್ ಕೆರಿಯಾರ್, ಆ ಪೂರ್ತಗ್ ನಿಕ್ಕು ಆಚರಣೆ ಮಾಲ್ತಿನ ಧರ್ಮೊ ಇತ್ತೆ ಫಲ ಕೊರ್ಪುಂಡ್”.

ಇಂಚೆ ವಿಸ್ತಾರವಾದ್ ಶ್ರೀಕೃಷ್ಣ ಪಂಡಿ ಪಾತೆರನು ಕೆಂಡುದ್ ಕರ್ಣ ನಾಚಿಕೆಡ್ ತರೆ ತಗ್ಗಿಸಾವೊಂಡ್ ವಾವೊಂಜಿ ಉತ್ತರೊ ಕೊರ್ಪುಜ್ಜೆ. ಧನುಸ್ಸುನ್ ಪತ್ತೊಂಡ್ ಅರ್ಜುನಗ್ ಎದುರಾದ್ ಯುದ್ಧೊಗ್ ಸುರುಮಾಳ್ತೆ. ಮಹತ್ವವಾಯಿನ ಬಾಣವೊಂಜಿ ಅರ್ಜುನನೊ ಮಿತ್ತ್ ಪ್ರಯೋಗಿಸಾವೆ. ಆ ಬಾಣೊ ಅರ್ಜುನನ ತಿಗಲೆಡ್ ನಾಟುಂಡ್, ಕಣ್ಣು ಕತ್ತಲೆ ಪೊದ್ ವುಂತನಾಗ್ ಕರ್ಣ ರಥತ್ತೊ ಚಕ್ರಲೆನ್ ಮಿತ್ತ್ ದರ್ಪೆರ ಪ್ರಯತ್ನ ಮಾಳ್ತುವೆ. ಆಪೂರ್ತಗ್ ಶ್ರೀಕೃಷ್ಣ ಅರ್ಜುನಗ್ “ಅರ್ಜುನ! ದಿವ್ಯಾಸ್ತ್ರನ್ ಪ್ರಯೋಗಿಪು ಆ ಕರ್ಣನ್ ಕೆರ್ಲಾ ಪಿರ ರಥನ್ ಆರೋಹಣ ಮಲ್ಪರ ದುಂಬು ಆಯನ್ ಕೆರ್ಲಾ” ಪೂರ್ವಡ್ ಕೌರವರೆಡ್ ದಾಯಿನ ಅನ್ಯಾಯಲೆನ್ ನೆನೆತ್ತೊಂಡ್ ಅರ್ಜುನಗ್ ತಡೆಯರ ಅಸಾಧ್ಯವಾಯಿನ ಕೋಪಡ್, ಕರ್ಣನ ರಥದ ಮಿತ್ತ್ ದ ಧ್ವಜನ್ ತುಂಡು ಮಾಳ್ತೆ, ಬುಕ್ಕೊ ಸೂತಂಚಿನ ಪ್ರಜ್ವಲಿಸುವ ‘ಅಂಜಲಿಕ’ ಪುದರುದ ಬಾಣನ್ ಬಿಲ್ಲುಗ್ ಹೆದೆಯೆರಿಸಾದ್ - “ಯಾನ್

ತಪಸ್ಸು ಮಾಳ್ತಿನ ಫಲ ವೊಂತೆಯಾಂಡಲ ಒರಿದಿತ್ತುಂಡ, ಗುರುಜನಕ್ಕುಲೆನ್ ಸಂತೋಷಪಡಿಸಾವುನ ಇತ್ತುಂಡ ಯಜ್ಞ ಯಾಗಾದಿಲೆನ ಫಲ ಇತ್ತುಂಡ, ಸಹ್ಯದಯೆರೆನ ಹಿತವಚನಲೆನ್ ಕೇಂಡಿನ ಇತ್ತುಂಡ - ಈ ಸತ್ಯದ ಪ್ರಭಾವಡ್ ಈ ಬಾಣ ಕರ್ಣನ್ ಸಂಹಾರ ಮಾಳ್ವಡ್". ಇಂಚ ಪ್ರತಿಜ್ಞೆಮಾಳ್ತ್ ಅರ್ಜುನೆ ಅಂಜಲಿಕ ಅಸ್ತ್ರನ್ ಅಭಿಮಂತ್ರಿತ್ವಾದ್ ಕರ್ಣನ ಮಿತ್ತ್ ಪ್ರಯೋಗಿಸಾವೆ. ಆ ಅಸ್ತ್ರ ಮಾಂತ ದಿಕ್ಕಲೆನ್ಲಾ ಬೊಳ್ಳಾವೊಂದ್ ಪೊದ್ ಕರ್ಣನ ತರೆನ್ ಕತ್ತರಿಸಾವುಂಡ್ ಕರ್ಣನ ದಿವ್ಯೋ ಶರೀರೊ ಭೂಮಿಡ್ ಒಂಜಾವುಂಡ್. ಆ ಶರೀರಡ್ ತೇಜಸ್ಸೊಂಜಿ ಆಕಾಶ ಮಾರ್ಗವಾದ್ ಪೊದ್ ಸೂರ್ಯಮಂಡಲಡ್ ಲೀನವಾವುಂಡ್. ಕರ್ಣನ ಅವಸಾನಡ್ ಬುಕ್ಕೊ ಆ ದಿನೊಟ್ಟು ಸೂರ್ಯ ಪೂರ್ಣ ಅಸ್ತಂಗತನು ಪಡೆಯೊಂಣ್.

ತನ್ನೊ ದಾನಡುದಾವರ ತನ್ನೊ ವೃತ್ತಿಗ್ ತೊಂದರೆ ಅವುನಂಚಿತ್ತಿನ ದಾನಲೆನ್ ಮಾಲ್ಪರ ಬಲ್ಲಿ.

“ನತದ್ಧಾನಂ ಪ್ರಶಂಸಂತಿಯಯಾ ವೃತ್ತಿವಿಪದ್ಯತೇ”

ಕರ್ಣ ಧರ್ಮಿಷ್ಠ, ದಾನಶೂರ, ಸತ್ಯವ್ರತ, ಮಹಾನ್ ಸ್ವಾಮಿಭಕ್ತೆ, ಮಹಾವೀರ ಪಂಥಿನೆಕ್ ಸಂಶಯ ಇಜ್ಜಿ. ಅವೆತ್ತೊಟ್ಟುಗ್ ಅವಗುಣಲೆನ್ಲಾ ಪಡೆಯೊಂಡ್ ಬತ್ತೆ. ಕರ್ಣ ಪ್ರಾಣಸ್ನೇಹಿತೆಯಾಯಿನ ದುರ್ಯೋಧನಗ್ ಹಿತವಾಯಿನ ವಿಚಾರಲೆನ್ ಉಪದೇಶ ಮಾಳ್ವಂದೆ. ಕೆಟ್ಟ ಕಾರ್ಯಲೆಗ್ ಅನುಮೋದನೆ ಕೊರುದ್, ಅವೆಕ್ಕು ಸಹಾಯ ಮಾಳ್ತಿನ ಸರಿಯತ್ತ. ಅವೆತೋ ಪಾಪಕಾರ್ಯಲೆಡ್ ದುರ್ಯೋಧನಗ್ ಸಹಕಾರ ಕೊರುನ ಸ್ಪಷ್ಟವಾದ್ ತೋಜುಂಡ್. ಏಕಾಂಗಿಯಾದ್ ಯುದ್ಧೊ ಮಾಳ್ತೊಂದಿತ್ತಿ ಅಭಿಮನ್ಯುಗ್ ಏಳು ಜನ ಮಹಾವೀರರ್ ಸೇರುದ್ ಕೆರುದ್ ಪಾಡ್ನ ಈ ಕಾರ್ಯಡ್ ಕರ್ಣನ ಪಾತ್ರೊ ಇತ್ತುಂಡ್. ಅಸಹಾಯಕಳಾದ್ಪುನ ರಾಣಿ ದ್ರೌಪದಿಗ್ ರಾಜ ಸಭೆಟ್ಟು ಕರ್ಣ ಪಾತೆರುನ ದುಷ್ಟ ವಚನಲು ಆಯೆನ ದುಷ್ಟವಾಯಿನ ಅಭಿರುಚಿಕ್ಕು ಪ್ರಮಾಣ ಸದೃಶವಾದ್ ಇತ್ತ್ಂಡ್. ಆಚಾರ್ಯ ಪರಶುರಾಮರೆ ಕೈತಲು ಕಳು ಪಂಡುದ್ ಕಲ್ತಿನ ವಿದ್ಯೆ ಸಮಯಗ್ ಸರಿಯಾದ್ ಒದಗುದು ಬಾರಂದೆ ಪೋಯಿನ ದೈವ ಕೊರ್ದ ಪಡಿಯತ್ತೆ.

ಸ್ವಭಾವಡ್ ಸತ್ಪುರುಷ, ಗಣಿಕರ್ಣ ಆಂಡ ಅನೇಕೊ ದುರ್ಗುಣಲು ಪುಟ್ಟಿಯೆರೆ ದುಷ್ಟರಾಯಿನ ದುರ್ಯೋಧನೆ, ಶಕುನಿ, ದುಶ್ಯಾಸನೆ ಮುಕ್ಲೆ ಸಹವಾಸೊ ದೋಷಲೆ ಕಾರಣ. ಕರ್ಣನ ಜೀವನ ವೈಪಲ್ಯಗ್ ಅದೃಷ್ಟ ಇದ್ಯಂದಿನವುಲಾ ಒಂಜಿ ಕಾರಣ. ಇಂಚ ಗುಣೊ-ದೋಷೊ ರಡ್ಡೆಕ್ಕುಲಾ ಆಶ್ರಯ ಸ್ಥಾನೆ ಕರ್ಣ. ಸಹಜವಾದ್ ಸಜ್ಜನೆ-ಸಹ್ಯದಯಿ ಇಂಚ ಕರ್ಣನ ಕಥೆ ಕರುಣಾರಸ ಪೂರ್ಣವಾಯಿನ ಕಥೆ.



ಮಹಾಭಾರತೋಡ್ ಬರ್ಮಿ 'ಕರ್ಣ' ಇನ್ನಿ ವ್ಯಕ್ತಿ ಮಾತೆರ್‌ಗಾಲಾ ಗೊಬ್ಬುದ ಬೊಂಬೆಯಾದ್ ತೋಜುವೆ. ಗುರು ಹಿರಿಯೆರೆ ಪಾತೆರೊಗ್ ಬಿಲೆ ಕೊರ್ಪುನ ಆಯ ವ್ಯಕ್ತಿತ್ವೊನ್, ಮಾತೆರಾಲಾ ಗೊಬ್ಬಾದ್ ಇಜ್ಜಾಂಡ, ಆಯ ತಾಕತ್ತ್‌ನ್ ಕುಂದಾದ್ ಪಾಂಡವೆರೆಗ್ ಸಾಯ ಮಲ್ಪೆರೆ ಶ್ರೀ ಕೃಷ್ಣ ದೇವೆರಾಲಾ ದುಂಬಾಯೆರ್.

ಪೆದ್ದಿ ಅಪ್ಪೆ ಕುಂತಿ, ಆಯನ್ ಸುದೆಟ್ ಬುಡ್ಡ್ ಕೈ ದೆಕ್ಕೊಂಡಲ್. ಪರಶುರಾಮೆ ಕರ್ಣ ತನ್ನಡ ಪುಟ್ಟಿ ಜಾತಿದ ಪುದರ್‌ನ್ ಸುಳ್ಳು ಪಂಡೆಂದ್ ತನ್ನಡ್ಡ್ ಕಲ್ತಿ ವಿದ್ಯೆ, ಲಡಾಯಿದ ಕಲೊಟ್ ಆಯಗ್ ಮದತ್ ಪೋವೊಡುಂದು ಶಾಪ ಕೊರಿಯೆ. ದುರ್ಯೋಧನೆ ಆಯೆ ದೋಸ್ತಿನ ಒರೊನಿಯೆರೆ ಅಂಗ ರಾಜ್ಯೊನ್ ಕೊರಿಯೆ. ದುಂಬುಗ್ ಅನ್ಯಾಯ ಮಲ್ತಿನಾಯಗೆ ಸಾಯ ಕೊರಿಯೆ ಇನ್ನಿ ಅಪವಾದ ಕರ್ಣಗ್ ಬರ್ಪುಂಡು. ಕೃಷ್ಣನ ಕಪಟ ಗೊಬ್ಬುಗ್ ಬಗ್ಗದ್, ಕರ್ಣ ಮಗಿಂದ್ ತೆರಿಯಂದಿ ಕುಂತಿಡ, ಆಯೆ ಏರ್‌ಂದ್ ತೆರಿಪಾದ್, ಆಯನ ಧೈರ್ಯ ತಾಕತ್ತ್‌ನ್ ಮಾಜಾವುನ ಬೆಲೆ ಮಲ್ತೆ. ಸಾರಥಿ ಶಲ್ಯೆ ಲಡಾಯಿದ ಕಲೊಟ್ ಕರ್ಣ ಆಯ ಪಾತೆರ ಕೇಂಡಿಜೆ ಇನ್ನಿ ಸಬೂಬು ಕೊರ್ಪು, ಲಡಾಯಿದ ಕಲೊಡ್ಡೆ ಪೋಯೆ.

ಈತೆನ್ ಮಾತಾ ತನ್ನ ದುಂಬುದು ಪಾತೆರೊ ಸಮೇತ ಎಸಲ್ ಎಸಲಾದ್ ಬುಡ್ಡಾದ್ ಬರೆದ್ ಒಪ್ಪಿಸಾದ್ 'ದಾನಶೂರ ಕರ್ಣ' ಇನ್ನಿ ಕತೆನ್ ಅಕಾಡೆಮಿಗ್ ಕೊರ್ತೆರ್ ಸಂಶೋಧಕೆರಾಯಿನ ಡಾ. ಎಸ್.ಆರ್. ವಿಘ್ನರಾಜೆರ್. ಮಹಾಭಾರತೊದ ಒಂಜಿ ಮರ್ಗಿಲ್‌ದ ಕತೆನ್ ಪೂರ್ಲೂಡ್ ಉಡಲ್‌ಗ್ ಮುಟ್ಟುಲೆಕೋ ಬರೆತೆರ್. ಮೇರೆಗ್ ಅಕಾಡೆಮಿದ ಸೊಲ್ಮೆಲು.

ಯಮ್.ಕೆ. ಸೀತಾರಾಮ್ ಕುಲಾಲ್

ಗುರ್ಕಾರ್,

ಕರ್ನಾಟಕ ತುಳು ಸಾಹಿತ್ಯ ಅಕಾಡೆಮಿ